



東選品節 戊

行狀 碑銘 墓誌  
上



古泉碑後卷終







東漢品節

行狀

有元故中大夫河南府路總管兼本路諸軍與魯總管內勸農事知  
河防事賜集賢直學士輕車都尉高陽侯謚曰惠韓公行狀○李穀

公諱

永字貞甫姓韓氏高唐清州人初本國遣世家子弟為質子公之  
考在漢中遂挈家而來公由是少長輦轂學于中國大德七年  
選充宿衛十年入侍仁廟潛即為上所知至延祐元年移使利器  
庫時明宗即封于周將行請細甲於仁宗上命給之江浙省丞相  
答失蠻特為武備卿抵寺欲取鎮庫者公曰卿不聞乎世祖賜以  
尚衣御鎧若曰以此鎮武庫後世嗣聖或乘戎輅者服之否則秘藏  
世以寶守奇官相傳奉之惟謹卿曰吾將取觀耳他及見即持

走公大叫卿違制奪及而手奪之僅得免年卿復來奪公曰我頭  
可得此不可得也乃抱之哭卿無如之何止以鎧上主帥後數月仁宗  
命取是鎧主者以實對上怒置卿極刑竟無存免年事上聞  
者三庫皆尚方戎器秘藏公再三管鑰克謹以慎無絲毫失及  
卿被刑人益重之天曆之元授河西隄北道僉廉訪司事先是甯  
夏在邊遠鄙陋詔之死無所殯至有骸骨暴露者公乃令經歷  
張珪薛坦作屋收厝其中五百七十餘以千字文為記標其姓名  
紳貫令其親戚易為稽考仍災垣內以葬其暴露者關陝旱饑  
流民多熟食而露宿野處病於風雨公撥俸以倡豪富爭出錢  
以助凡為屋二千餘間其所典鬻男女官給衣食還其父母於是死



者得所而生者不至於病矣其於獄獄一本於欽恤寧夏因黨氏  
婦因姦藥殺其夫獄已成矣審按二年而無異詞公同而知  
之再問而得其情其夫果死於病并其姦夫即治出之人服其  
神明至順二年轉陝西省時行省官僚皆貪墨劾罷公子然  
獨居二年竟以能聞先時訟逆不公惟勢是附非賄不成公志  
知其獎因籍先後空闕等差唱名注擬即行榜示請囑徑  
絕高下其手者無所措奉檄之士莫不悅服元統元年遷河南  
府總管新館舍開州路建里門勸農桑作惠民藥局以救  
窮民收置銅儀以謹測候氏既悅服則令之曰講求治道莫  
先學校廟宇圯陋府舍傾頽宣朝廷臨師重道之意乎於是



捐俸勸率興工修理建大成門及東西廡序摠四十有九間後有  
梁揔管宜文其事于碑昭而不恙可恨也已既新廟學則程督  
諸生課講凡公退治後之梅花堂集僚吏講說經史寒暑不輟凡  
遠近之民冤抑久不得伸者憲司悉委之公公心誠求之咸得其  
情至元丙子三月以疾卒于官享年五十有二庶聞者莫不哀泣  
思慕公性寬和好惡不偏守正無私其行廉潔一介不以取人  
自奉甚約內無妾媵淡如也故捐館之日帑無餘帛庫無餘粟  
冰蘗之操終始如一至正癸未贈集賢直學士追封高陽郡侯  
謚曰忠惠子男三人長孝先次仲補次文獻穀鄉人也嘗從之遊故  
詳公之德行與其家世云

牧隱先生李文靖  
公行狀

權迎  
公諱福字穎叔號牧

隱忠清道韓州令考宣授奉議大夫行中書省左右司郎中  
本國匡匡大夫右文館大提學謚文孝公穀中元朝元統癸酉制科  
號稼亭妣咸昌郡夫人金氏以天曆戊辰育生公聰慧異常自  
知讀書見梅成誦年甫十四中本國成均試嶄然已有聲始冠  
將婚一時高門望族擇東床者皆欲歸其女至婚夕猶爭乃娶  
安東權氏花原君仲達之女戊子稼亭先生在元朝為中瑞司典  
簿公以朝官子補國子監生負在學三年得受中國淵源之學  
切磨涵漬益大以進元憲於性理之書辛卯稼亭還本國卒奔  
喪終制癸巳恭愍王開科試士公為魁授兩雍府丞秋元進奉使  
書狀官赴京甲午翰林學士歐陽玄禮部尚書王恩誠同掌會



試公又得中三月對策殿庭擢中第二甲讀券官諸公大加稱  
賞勅授翰林文字承仕郎東歸恭愍王就加藝文應教知製  
教乙未夏又充書狀官奉表如京禮仕翰林丙申以母老棄官東  
歸蓋亦知天下將亂也秋吏部侍郎翰林直學士兼兵部郎中以  
掌文武之選初公上言時政八事皆蒙施行其一罷政房復吏  
兵部選也故有是命戊戌以言事忤權貴一時諫官皆左遷擬公  
尚州公理裝待曉將發其夜命下擢公進拜樞密院右副丞  
宣王謂宰相曰李穡才德出衆非他人之比用舍不如此無以伏人  
心由是昵居喉舌忝掌機密凡七年陳謨啓沃裨益弘多卒丑  
賊陷王京乘輿播越臣僚倉卒多潰散公送王不離側心扞



衛恭謀協贊洪濤多艱弼成克復之功策勲一等賜以鐵券田  
一百結奴婢二十口癸卯冬拜端誠補理切臣同知春秋館事自是  
與聞國政二十餘年雖在罷閒每有大政必就問焉丁未冬判南  
城兼成均大司成初自辛丑經兵之後學校廢弛王欲復興改創  
成均于崇文館之舊址以講授負火擇一時經術之士若永嘉金  
九容烏川鄭夢周潘陽朴尚衷密陽朴宜中京山李崇仁等時  
以他官兼學官以公為之長兼大司成自公始也明年春四方學者至  
集諸公分經授業各講畢相與論難疑義各臻其極公怡然中處  
辨析折衷必務合於程朱之旨竟夕忘倦於是東方性理之學大興  
學者祛其記誦詞章之習而窮身心性命之理知宗斯道而不惑

於異端欲正其義而不謀於功利儒風學術煥然一新皆先生教  
誨之力也已國夏因知貢舉始用中朝科舉易書通考之法初恭  
愍王為魯國公主構影殿于王輪寺之東窮奢極廣數年  
不就更相地於馬巖之西尤極宏壯勞費鉅萬侍中柳渥謂同  
知密直安克仁簽書密直鄭思道曰馬巖之役非止勞民傷財  
術士有言營作于此不利於國余以不才濫長百官不憂社稷可乎  
寧以死諫乃上書極言不可王大恚 等獄欲以事誅之命公製  
論衆文公對曰近日渥等上書請停影殿之役雖以四事罪之國人  
皆以為上書之故願更思之未益怒促愈急公伏曰臣寧得罪寧  
敢為文以成其罪且上書之事領都會議亦知之時平晁為領都

議極寵幸用事方在上側眈不得已乃曰老臣亦知之但以王  
怒不敢告耳王命侍中李春富封國即春富佯伏不敢進眈曰  
宜令言者封之乃命公恐王益怒乃書封曰臣禱謹封王曰以予  
否德不從予言持此去尤有德者事之我太祖初豈王孫哉予避  
位矣乃移居定妃宮不許進膳翌日眈欲解王怒啓王下公獄責  
問坐以不從王命公曰臣自布衣濫蒙主知驟至宰相謂有可以  
益上德者至死力言之以報萬一今柳侍中在縲絏臣敢盡言無罪  
者欲王動心省悟以不濫殺大臣也因泣下曰臣之泣非畏死但恐  
因此一失王之名不美於後世也獄官具上聞王遂感悟放濯等出  
使公沐浴而朝時我太上王為知門下事恭愍王謂近臣曰近日物



議如何對曰皆言國家得人吾天曰文武皆用第一流以為宰相誰  
敢議之蓋自多同日并用兩賢也王每召公及星山李仁復入內必令  
左右洒掃焚香俾僧神照白王曰君見臣何必致敬如此王曰爾何  
知此二公道德非庸儒且穉學同舍肌膚而得骨髓者也雖中國  
之罕比焉敢慢之哉蓋王嘗入侍帝庭聞朝中搢紳稱譽公有素  
故云然九月丁母憂陽縣君憂明年壬命起復政堂文學以疾  
辭癸丑封掃山君甲寅秋恭愍王薨公自遼陽之逝哀毀成疾  
聞王薨愈篤杜門卧者七八年間奉旨銘旌空幘翁二和尚浮屠  
其後因多生來于門凡求詩文扣者輒應頗有佞佛之識公聞之  
曰彼謂追福君親余不敢拒也戊辰朝廷欲置鐵嶺衛侍中崔瑩

當國用事，率兵謀攻遼。我太上王率我四軍，執退瑩，起公  
為門下侍中。公曰：「今國家有蒙非王及執政親朝，無以辨之。王切不  
能行是老夫之責也。」即自請如京王及國人，皆以公老且病，固止之。  
公曰：「臣以布衣位至極品，常欲以死報之。今得死所矣，設死道路，以  
屍將命，苟得達國命於天子，雖死猶生。」入朝于京師。高皇帝嘉  
賁有加，優禮以遣。已巳，還國。秋，請退拜判門下府事。冬，恭讓君  
立。忌公者劾貶長湍。庚午，貶咸昌。五月，誣以遣，尋葬。初，于上國逮繫  
公等數十人于清州，鞠問甚峻。事叵測，公曰：「死生天也，當順我命，  
且處之自若也。」後數日黎明，始雨，未及日，中山崩，水湧，壞城門，漲入  
屋舍，皆沒。問事官漂溺，攀樹木僅免。驛聞于國，釋不问。自有是

是州未嘗有水災如此之劇皆以為公忠誠所感也辛未冬又自營  
被召而來門人權近亦貶忠州路見公以所聞於人者告之公曰是則  
詐也人臣之道唯君所命召之則來揮之則去死且不避況來何恤焉  
既至復封韓山府院君壬申復貶衿州提廳興七月我太上王即  
位忌公者欲加極刑公曰吾平生不安語敢誣服乎雖死吾為真鬼  
也語聞王察其情特原之移置長興府賴公專法者多冬宿歸韓  
州自恭讓初年忌公者屢以計必欲置之死地王輒救之得全及是  
忌公者不敢復施其計乙亥秋游閑東入五臺山因留居之王遣使  
召迎復封韓山進見而退送至中門待以故舊之禮丙子公年六十  
九夏五月請往驪江避暑將終舟疾作召男種善于京城初七日



疾革有僧進語其道公举手揮之曰死生之理吾無疑矣言訖而卒訃聞王悼甚輟膳停朝三日遣使吊祭賻贈有加謚文靖公十月子孫奉柩歸于韓州十月葬于加智之原公天資明睿學同精博處事詳明秉心寬恕議論可否明白簡切而必至於忠厚待人接物謙恭愷悌和氣油然而漂乎不可犯其為宰相務遵成憲不喜紛更而持大體忠君愛親之念至老不衰每形於辭色現於詩文勉進後學必以倫理為主孜孜不倦博覽群書尤深於理學凡為文章操筆即書如凡行水流略無凝滯而辭義精到格律高古浩氣如江河注海有集詩三十五卷文二十卷自元季至正癸巳至皇明洪武己巳數十年

間掌國文翰多更度故險難之際能修詞命屢見嘉嘆及公  
貶斥是公者典文始以表辭見責於帝則公之文章智識有補於  
世如此惜恭慙徒知致敬而不能盡用其言後長白察未幾罷免  
遂見詆謫經濟之學卒莫大施天也為家不同有無費雖至屢  
空不以動心平生無疾言遽色家人僕隸或有失必徐以理曉譬  
之未嘗加以怒言樽俎之間油然而處志不及亂襟懷洒落言  
動送容喜怒不形圭角不露渾是一團和氣久居寵利而不見  
其驕盈晚遭屯難而不見其隕穫縲紲非辱主但非榮公之  
操存守復亦可謂確乎不拔者矣公三男長曰種德汝曰種學次  
曰種善○特進補國崇祿大夫青城公諱德符字得之世家慶尚青

伯沈公行狀○善頌德

鳧縣行年十七忠穆王元年以門蔭授左右衛錄事奉軍恭愍  
王八年陞為中郎將兼閤門引進副使甲辰乞水原府使廉使行  
郡公將入參見使不揮使退使命吏讓之對以眼下如儀使謝其耿  
介不阿若此丙午拜江華府尹是郡僻陋未嘗講學公既至大開  
黌舍通致師儒集鄉子弟教以詩書禮義蔚有文氣化蜀之凡尋  
丁大夫人憂徒步奔安城哀毀過禮幾至失性偽朝二年以公多智略  
才堪將帥充江界都萬戶敷施雄畧各聲益彰升聞于朝擢為密  
直副使義州副元帥丁巳為西海道副元帥兼都巡問使戊午奉使  
如京時太祖高皇帝屢問孫內侍不復使者皆力辭公受命無  
難色既至闕下專對敏給公在京師授匡靖大夫密直司使己未還



國拜知門下事庚申倭寇以戰艦千艘侵我南鄆時過殘滅靡  
遺諸將皆不能禦裨闕至孰安鎮浦其勢甚張偽主命公將樓  
舡四十往討之賊方舟而陣鋒倖磨曷聲振天地公略無懼色一  
舉盡殲自是倭寇不復跳梁戊戌為西北面都巡同使兼平壤尹  
完葺城堡己卯既訖以判開城府事徵還乙丑以門下贊成事朝京  
師丙寅還國封青城府院君戊辰之役公從我太祖師次邊安  
府太祖唱義旋師公協贊銅戴居多既登宰輔常戒幹僕曰  
我朝夕在公凡書回副以物者汝毋受諸子有除授輒示其手足輒  
瘞因戒之曰我出入勤勞方休錄此汝曹何能坐致爵位庚午中飛  
語謫免山縣事遂暴白未幾徵還壬申我太祖踐祚追賞回

軍諸將公切第一授判門下追封青松伯甲戌城松都公董治  
之是年作新邑于漢陽命公摠治其事於是量期程計徒庸  
曉之以義使之以寬民不病焉戊寅拜領三司己卯改元政  
以疾辭復封青城伯辛巳正月卒于第享年七十四訃聞  
太宗親

朝三日加命有司以禮葬于麻田縣贈謚

公稟性仁恕恬靜喜

愠不形居處恭無妄膝不務生產取以我由是為將相二十年庫  
無餘財廩無餘粟及卒僅備喪祭其居官也遇事剛果略無私門  
其政敵也既得其魁未嘗妄殺其惡間也將卷蕭然如文人雅士初  
娶清原君宋有惠女先公終生三子仁鳳義龜道生學淳屠法為汝  
門後娶監門衛郎仁川閔大女生四子澄溫淙証淙尚太祖



第二女慶善公主我殿下在潯郎太宗逆溫第一女作配既即位冊為恭妃此其終始家崇之大際今統太史氏編修寶鑑以沈氏諸子皆幼而余贅於其家徵公行狀當公之卒也必有以文鳴世者著其行述重遭家難不知落存何所願德懼公之崇功偉烈將淪沒無傳綴拾素聞聊述萬一以進

純誠明亮佐理功臣大匡議政府領議政廣陵府院君李公行狀

洪貴達

公諱克培字謙甫廣州人考諱仁孫大匡右議政謚忠僖公廣陵

山水之奇祖宗積累之久儲精毓慶而忠僖公有五子皆國之器其

得氣之先而最長者曰公公生而有異相後而有異氣學而有異能博

通群書一時儒輩咸推為遠大之器正統丁卯中司馬試量恭庚午

以聖節使檢察官如京師有一通事犯禁公援法論斬一行肅然

世祖靖內難，兼判吏兵曹事。見公深器之，陞請加一級。每見公指  
之曰：「是他日都承旨乙亥。」世祖即位，策勲為輸忠佐翼功臣。丁丑  
世廟親祀圓丘，賞執事者資窮三品者當陞堂上，而公亦與  
焉。甚諫駁之。傳曰：「餘子可也。」至如某堂宜以凡流待之，特命陞  
堂上，仍擢禮曹。泰議是年，世祖將巡幸慶尚道，特以公帶本職兼  
觀察。是道戊寅，來朝階加嘉善，封廣陵君。己卯，如京師，賀千秋  
節。庚辰，皇朝遣馬鎰招撫毛隣衛野行至本國東北境上，上以  
公有專討才，特遣公宣慰。時申文忠公叔舟受命征野人，即甫  
兇罕文忠請與公偕從之。及凱還，陞資憲，賜奴婢出為京畿觀  
察使。壬午，拜吏曹判書，巡察忠清、慶尚、全羅道三軍。癸未，出



爲平安道觀察使丁忠僖公憂乙酉仍丁太夫人憂服闋詣闕  
拜世祖與貞憲王后同御內殿引見賜酒出爲平安道節度使  
撫禦得機宜成宗即位拜議政府左贊叅事癸卯全羅道賊命  
公注賑其民公盡心措置一道賴以全活既還賜公純誠明亮佐  
理功臣號階加崇政大夫加輔國領中樞府事廣陵府院君庚  
子別設都監以決奴婢久訟未決者名曰新訟都監公居其一剖  
決無所滯人無稱冤者辛丑壬寅年民間饑以公常爲賑恤使法  
民多命甲辰加階大匡乙巳拜右議政丙午秋上幸洪山觀獵圍  
諸將請驅逐群獸徑下平地射場急取之左右可曰可公獨曰未  
當取物以正若詭遇獲禽臣未敢知上嘉之丁未旱公引咎請

辭職不允未幾兩上遣中使御書慰之曰賴公經邦之術獲此  
需然之澤喜不自任戊申春翰林侍講董越給事中王敞等  
未須登極詔上出暮華館近之越等詰本國迎命違禮不即  
進上遣左右辨說者累皆不聽至遣公見公德益加禮貌之即  
未須詔其還也百官送于郊外越就公之位曰真朝鮮老成人也庚  
戌公年將七十乞致仕不允仍賜几杖癸丑擢拜領議政今上嗣  
位乙卯命曾經改政以上各書嘉謨嘉猷以進公之書曰成宗嘗  
臨雍乞言臣講論中庸至哀公問政章為天下國家有九經所  
以行之者一也曰古今帝王為治之要在此願上留意焉成宗特賜  
嘉納今臣亦無他辭臣之平生所學在此矣願復留意焉上鄭重



之命承政院書諸冊以進六月卒于第年七十西訃聞九重嘆亡鑑  
而億痛失師報朝傳市至於巷不歌器不相既殯吊祭無虛日  
至如上兆營壙兆千奠事靡不官底蓋所以報公功德者然也公氣  
度雄深志慮堅確本以經術文之以吏治守之以正大行之以忠勤夫  
其積於中者厚故見於面溢於背者大東帝立於朝儼然人望  
而畏之自朱貂蟬業然已有公輔之望及其位愈崇年愈高則其  
德業興之愈崇高而孟子所謂達不離道人不失望其公之謂乎  
歷事五朝出入將相身繫國家休戚安危者殆三十餘年其間  
政柄在手親眷輩身者久而門無干謁人無間焉若惟難哉公性  
嚴重平居寡言笑杜門不接賓客門庭常蕭然崔羅可設公於

物無所好只酷好書史常手不釋卷至老不倦其為學務實  
不務華日不嘗吟哦詩律自奉儉素食無萬錢之費衣不五采  
之備惟酒無美但和其面醺其氣而已平生不喜言人過人有斥人  
之短者輒慨然曰果若有短當取其所長況難的其短乎常慮  
家門大盛戒子弟曰凡物盛則必衰若等每或自滿名二孫以守謙  
守恭曰處世之道無過此母子孫來謁必臨之以莊其子孫必恭必  
敬無敢有慢易也公娶許文敬公楫之女有四子曰世忠世鄉世  
匡世柱皆先公殁也忠貞公行狀  
中徙漢公諱琮字宗卿號尚友堂世  
為孔岩人今陽川縣也許氏文宣以後凡十二世皆擢第代有聞  
人運公顯融極矣公之少也志氣深沉雄遠糠粃世故惟閉門



讀書常在途中未嘗左右游目凝然若沉思者或至迷失  
人莫能窺其際與僑數類人同棲倫兒夜入其室盡挈衣  
屨而去既覺諸人咸懊恨公則笑不介意怡然取筆書壁  
曰既奪我之衣兮宜吾鞋之莫渝既奪衣又偷鞋竊為先生  
不取識者始服其量景泰丙子中生負試翌年又中文科時早  
甚胡野望兩唱名之日忽兩作展仲皆曰公以謂商霖之微

世祖妙簡文臣分屬天文地理等學以習之以公屬天文学公研窮  
步天之法雖宿業甘石者皆瞠乎在後至是適見日食公推食  
分書進紙尾係之以疏斥異端開言路絕遊畋御經筵居六事  
皆時所諱言而獨公棘棘不少撓言甚艱峭見者喘汗疏入趣

召既異言直望見儀觀又懷偉大驚所未知者心膽如何欲  
試之摘蹠語以詰佯加威怒命捧下杖之傷有侍者無不股栗失  
措上又取甲鈎橫膝命力士崔適曰候吾拔鈎盡甲即斬之  
上徐拔之鈎光閃閃照人未垂露公猶確然不動略無懼色隨  
回而對音吐鴻暢上還納甲中曰真壯士也大加稱賞得之恨晚今  
進酌公徐就尊酌酒進退俯仰雍容可觀當雷霆之威不  
為威惕於公見之矣上分授諸名臣釋臣誦之先儒老師皆不免  
至公則曰如某不喜佛其勿授之公在小官能得人主敬憚如此癸  
未甲申官至應教司藝時上黨韓公明澹以左揆開府閩西懷中  
文武幾百人極一時之選公甚首也朝廷規征建州軍書雲委皆



責公裁畫公談笑杯酒若不经意咸中宵夢韓公倚重有  
大處置頃稟 睿裁者必達公入啓每來必增秩以遣乙酉拜  
嘉善咸吉道節度使先日上御秘殿召公及今左相盧公思慎  
賜坐從容論人才難得命公獨使前日卿不久居此卿知無公踣  
縮不及對 上曰置卿於此非為出納無人欲作邊帥故先有此峻  
除耳未幾有是命是時公年三十二公早有志作西界幙官咸吉  
而道雖老校退兵皆与之款語凡諸蕃族帳部族強弱六道路  
行直與夫祖宗朝闕塞城堡塢建置沿革無不飽聞而默  
志故一朝受隆委指揮顧眄民夷咸服一境帖然丙戌春丁內  
艱以康孝文代之孝文奮汰不恤下大失物情明年吉州人李施愛

唱亂殺孝文自稱節度使上豪爭殺邑宰以應叛書聞 旨誰  
從為予辨此者北方子弟來侍者皆曰北方之人思許琮如慈親  
誠得琮為仲賊不豈平也即日除公節度使公方守喪在外驛  
召入覲天語慰藉備至公不敢辭翌日陪辭親故追送曰賊蹤  
方熾公可違回觀勢公笑曰如抗抗極溺恨不得日馳千里聞者  
壯之在途聞觀察使中泐被害體察使尹子雲出拘從者聳  
息皆欲緩行不聽兼程抵安邊聞施愛已到端川而定平以北皆  
為賊藪公與幕僚議曰永興前有執興扼江為險則賊不得南  
且我太祖真殿所在萬一蹉跌當効死于此遂向永興一孤州  
官皆迎拜馬首且泣且言公未若後數日我輩靡粉賊手矣



公立馬良久魅遣本道人愚悍又被誑誘執迷不悟及聞官軍  
壁境奔竄岩谷人烟斷絕公平製榜文數千語括之父老相率  
來拜轅門曰果我公也自賊中逃來者日數十人軍聲大振賊  
勢日削公与唐純魚有詔等提軍進頓北青南川賊乘夜挑戰  
我軍虜奪賊不得犯遂退我軍心還洪原唐純唱曰聞賊添兵復  
來且軍需不繼不如還軍咸興以爲再舉諸將皆是純公獨奮曰  
如此賊弱我益張今營壁堂息甲休兵閉門擊賊足成偉績  
吾知前死不知退生諸將知難奪不敢復言公謂唐純等曰獅子  
跳梁至此當我軍不武況南軍恟寒秋氣日嚴諸君熟計之  
諸將皆然公遂還北青力疾而行大軍至居山驛前公入軍中見

魚有沼卓鞭指示曰枕海一峯隆起朕俗鼻嶺賊已據若使敢死

士數百乘不得意上狂賊坐受縛矣非公則不從了有沼唯蔓嶺遂

潛師魚貫緣崖而上望旗幟冉冉林木間公在中軍手援桴督

戰賊皆屬目有沼兵已到中峯萬眾齊呼松風海濤以助聲

勢賊陣動不得枝梧士馬填軋聲如萬雷施愛跳諸將欲急

追公曰吾胷中已傳施愛施愛之類將至脅送之徒皆吾赤子

豈容窮兵多殺數日李珠等縛施愛至軍前凱旋公獨留

鎮初公之入此也匹馬蕭然出入豺虎中徒以忠義奮發人心豁然從

之賊之號令不復南矣策公賜精忠出氣布義敵愾功臣之號

階加崇政封陽川君己丑有賊張永奇起金羅道張永奇張永賴徒



嘗自廣州縣石純制以公為全羅道節度賊聞公至竄入海  
島來間抄累俄頃魚駭帆沒而去公廣設方略親領兵馳到擒  
斬之賊平召還擢兵曹判書丙申建州衛結三衛寇遼東都指  
揮使劉聰戰死又欲犯我疆秋命公巡察平安公回國救州為  
列鎮聲援冬拜左贊成戊戌春還朝上將廢中壘天威震  
動人不敢言公引漢武帝宋仁宗之失獨力陳石可登卯貞憲王  
后在溫陽行宮上貢奉安櫝宮于城外永順君家公啓曰昔  
世宗時何崙死外命入城殯其家重大臣也今以世俗拘忌大行  
王妃櫝宮在城外其失不細竊痛之反復極陳時論多之乙巳丁  
外憂丁未冬今天子新即位以翰林侍講董越給事中王敬使我

差公遠接使迎于境上黃陂等到荊州而矜持視人蔑如及  
公入謁長身玉立衣冠偉然而使矍然起立不覺屈膝拜禮罷  
公出而使相目曰堂上裁若人見公必留語溫容相與討論經史或  
至夜分一日置酒王副使語及常奉使遊蜀公問入蜀有二路陸由  
襄斜水由荊門公由何路副使云由江而入公又問庾江出岷瀘觴至  
夔東峽極險至夷陵始漫流信否因舉江至某地為某水沿江  
上下襄樊荊鄂數千里間山川遠近戶多寡以至古今英雄豪傑  
并吞割據歷幾數兩使心服前執公手曰非公曾歲萬卷何  
以如此前入京數日同禮官呈迎詔勅儀軌視有殿下乘輦行之語  
而使恚曰迎詔則國王具冕服行迎勅則具冕服乘馬行此高皇



帝所定蕃王儀也必欲乘輦當還到荻州東朝廷處置公入見曰  
高皇帝為萬世定不刊之典若如西大人之言則不過獎法耳而使震  
色曰史曹欲非毀聖制耶公举手曰人君生長深宮不慣行步況  
衰邁足弱者則遠行郊外將委頓不能行禮曾謂高帝制徑冬典  
強人必不可行之禮耶銜知其不然書云朝步自周者豈步云哉  
不以辭害意可也而使笑曰聞公言更覺理勝乘輦迎詔乘馬  
迎勅可也公又力爭曰今詔勅俱到迎詔則勅從之豈容別為勅乘  
馬耶而使幾聽公上曰不可與制使抗遂屈已勉從乘馬迎勅始  
此而使還到江上依、不忍別室涕出曰望公早時來朝使中國知  
海外有此人也還朝噴、搢紳間曰所不知者天上人間則無雙聞者

無不想望風彩已西陞補國封陽川府院君永安觀察使時訛  
言騰興亂歲萌非公不純鎮定城居公而遣下車去刑威已通責撫  
摩煦庥民情胥悅一方宜謚公浩幕僚曰北人最難治稍乖撫  
綏鋒銑生胸真稟賦有殊不學而然也公詣學謁聖瞻學舍傾  
圯湫隘曰此其可緩耶公杖屨董役不日新成聖殿講堂師生棲  
息之所無不備具公率諸生親行舍菜禮士民聳觀簿領之暇  
執經講讀請業者環坐各因材施教儒風大振六鎮之人咸重  
研求學卒夏公秩滿當還將征厄介車故命仍之遂下御札曰自  
庚辰赴戰而後為邊將者類多庸貪不體國家字撫之恩枉乎  
昇平專事財貨不恤民隱以致人民流移而士馬不強今觀事生不



面至於此惟卿資為萬人志專經國更鍊世故之多習知邊情之久  
雖遠廷僚右卿誠歎而欲責成效曷若久寄孔子曰苟有用我者  
三年有成聖人為政宴待三年之久而所成三年者蓋言其積累之  
夫治道大備者也今已委卿東北建先定之規模盡治邊之良策期  
以十年如班超羊祜之老於邊城則沃野千里桑麻之富又何疑焉  
欲相見當自召之宜深體予之懷勿憚勞於閫外務安黎庶用成  
茂績危今車在諸部中最強國家撫之素厚邊將失馭邊旤始  
因壬辰大舉兵入寇自後邊患歲滋邊將每聞警閉城不敢發一  
無以希寧事故賊來必殲以藉而去有賊以來未有如此之酷諸鎮氣  
索城底幹原里及女真毛憐速平諸衛素臣順至是皆懷觀望若

置而不問則不但危个車益張六無以彈壓諸蕃公揣軍事  
機馳驛而聞上舍神斷此在之議遂定命公乘 入覲回度用  
兵幾何對曰精甲二萬則足矣遂陳方略歷歷如在目前皆可之  
將行賜御札又特賜鈞卿豈不度是乃宋祖征南授曹彬之言  
也御宣政殿親執酒賜之仍命諸大臣就忠愍府餞之公還部署畢  
十月十五日興師士馬亘雲旗幟蔽日出師之盛近古未有也城底部  
落請受約束者三數千人前鋒至何順江邊得鯉白尾積江尾又  
見人馬跡蹤橫在地上甚多諸將皆曰虜已覺我必據險邊之  
將奈何公曰諸君且毋恐前在鏡城有熟戶謁我云聞師期捕  
魚何順江藏野岸以擬搗師者必此也諸將始安實未有事



而公之臨機應變如此軍中輕銳喜切者皆欲潛師掩其不備  
公皆不聽至則虜果遁諸將欲追公曰軍志見可而進知難而退  
虜既破膽鼠竄當抑鋒止銳以圖萬全豈容希首級久露吾  
師耶遂班師到麻乙胡里之地日昏前有險兩崖對峙百尺數里不  
斷路出其中甚狹諸將皆欲過此而營公獨不可曰賊必據險俟  
我入其中以健馬肉薄則夜暗我師首尾相救諸君能保萬全耶  
遂留遲明鼓行至其地則賊騎果先據我軍力戰得脫非公危矣  
至懾地遇雪虜中雪下頃刻深丈許一軍皆憂公曰天若有知忍  
使萬命凍死胡地耶俄而雪霽皆謂公誠感所致上聞師還  
遣都承旨宣醞迎勞蓋異數也尼个車所居險遠前此未有至

者至是鑿空而行虜以謂從天下登山望我軍鐵騎連亘數十  
里不見其際懼然曰彼皆人耶何如是夥也公之此行非徒泥牛車  
震置建州三衛聞聲心懼當公建議之初奉朝譚然爭之公愀  
然謂所親曰有征無戰暫勞永逸若曰數切生事則難與言大計  
後日當知老夫非謬美矣數年來邊氓莫枕公言果效至子進階  
大匡右議政公負廊廟重望者久至是登庸朝野相賀是時  
僧禁甚嚴未幾而罷公極陳不可曰命下旋四張累德石細自奉  
僧邀福而訖無利益若古則勿論我朝世宗嚴為僧之禁披緝  
者不得入城闕晚年創內佛堂世祖睿宗事之彌謹皆未獲  
福享祚不遐言甚切直上優納之中外方拭目而望公已病不能



有為甲寅二月卒享年六十六方公之病也遣內官問後事公已危遂  
開目喉語曰願 殿下慎終如始卽聞悼痛報胡司薨提調請  
進肉上而於大臣之亡伊誰不痛如許相盡瘁事國深蹂不毛侵  
犯風露榮衛損和此予尤痛忍食肉耶公亡朝廷差空士林相  
吊至有失聲而哭者公娶吏曹正郎韓瑞鳳女生三男長礪次  
礪次礪側室生三男長礪次礪次某是年癸長湍某里公魁顏廣  
頰美鬚髯身長七尺二寸姿表出於千萬人之上望之儼然若太  
山喬嶽即之溫然如祥風瑞日不怒而人自畏不言而人自服天稟極  
高加之邃學卓識遇事接物神謀默斷出人意表氣像雍容  
厚重雖當倉卒未嘗有遽言疾色平生有忠直自許不以人

主喜怒為遷就向背論國家大事披肝瀝膽言不得行則  
繼之流涕可謂心道事君者也公之曰行純備而孝友尤卓絕大  
度包容浩穢巨細無物不容而至於論人奸邪直言無隱以此世之  
笑君子益歸之早貴隆赫不治產業清貧如寒畯所居湫陋  
人所難堪而公則處之泰然官居權要不受私謁門館寂然嘗  
語曰富貴在天何用力求妄希此分適足為害未嘗為子弟求  
官至公亡猶在布素為將務持重不喜近切愛卹士卒與同甘苦  
有罪親故不貸故所向皆有濟博覽載籍三館四庫之藏靡  
不淹貫旁通雜藝天文地理醫藥曆算精研其妙尤深性  
理之學漁漁闕闕諸子微辭奧義心融意會超詣獨造窮探洙



泗淵源所見既高發而播諸事業光明正大皆可為後世法為  
詩清壯有氣文亦健又健又健乃馬在公特餘事耳公資兼文武望  
隆朝野以身繫國家輕重者二十餘年開國百年而耒罕有  
其儔擬諸古人其裴度韓琦張浚之流歟

### 碑銘

有明朝鮮國桓王定陵神道碑銘

權近上即位之二年春三月命臣某若曰余以否德荷天

休命肇造邦家祖宗積德是賴謹已追謚四代皆上王爵汝其

銘我先烈考定陵碑昭示永世臣某承命祇慄不敢以鄙拙辭

當觀孟子之言曰五百年必有王者興前朝自始祖王氏以來垂五

百年運祚既衰恭愍絕嗣妖僧辛旽子禍冒姓竊位荒淫戾

霍歲戊辰與其相崔瑩謀興師妄動將犯天子之境維時我  
主上殿下為右軍都統使仗義還師禍乃知罪遜位子昌越明  
年天子責以異姓為王氏後殿下以侍中任國政與諸將相議  
立王氏之裔瑤為君初自禍時政在權臣鬻賣官獄濁亂朝  
廷民胥怨咨日夕思治及殿下作相革除舊弊更新治道罷  
私田以正經界汰冗官以重名器登崇俊良放寬頑高舊武威  
以却邊寇施仁政以厚民業整頓紀度修明禮樂三韓之民父  
母愛之瑤乃以昏迷闇於大體崇信姦回廢黜忠直政令無常  
以壞國法用度無節以傷民財乃與其相鄭夢周常謀陷之夢周  
陰嗾其黨之在臺諫者欲加切劄及直言者羅織上書將及



殿下禍在不測國人莫不憤怨洪武二十五年七月十六日左侍中臣  
裴克廉右侍中臣趙浚等五十二人知天命之所在察人心之所歸  
倡以大義百官父老不謀而同合辭勸進殿下讓至再三衆志彌固  
勉即寶位市不易肆兵不血刃會朔清明民迺大悅即遣知  
中樞臣趙胖奏聞帝乃詔曰三韓之民既尊李氏民無兵禍人  
名樂天之樂迺帝命也未幾中樞使臣趙琳繼還又勅國更  
何號星馳來報即令藝文館學士韓尚質奏請國名賜朝  
鮮之號且體天牧民永昌後嗣其獲天人上下之助如此誠所謂  
應五百年而興者也臣謹按璿源所自金之望族有司空諱翰  
仕新羅娶太宗三十世孫軍尹金殷義之女知具州諱安社後仕

元朝為南京五千戶即我殿下皇高祖今封穆王陵號曰德配李  
氏今封孝妃陵號曰安皇曾祖諱行里今封翼王陵號曰智  
配崔氏今封貞妃陵號曰淑皇祖諱椿今封度王陵號曰義配  
朴氏封敬妃陵號曰純皇考諱子春屢立邊功至正庚子病薨  
于朔方道年四十六其年八月葬于咸州之東歸州之原今封桓王  
陵曰定陵配崔氏封懿妃陵曰和陵世積勲德肇基王迹善鍾  
慶發源遠流光篤生聖哲以建大業天之眷佑有德至矣王凡三  
娶懿妃又生一女孝氏生男曰元桂仕前朝封完山君卒金氏宣安翁  
主生男曰和封義安伯殿下配韓氏先薨贈節妃陵曰肅陵生  
男曰芳兩封鎮安君曰芳果永安君曰芳毅益安君曰芳幹懷安

君曰

太宗諱

靖安君曰芳衍早歿贈元尹從室康氏封顯妣生男曰芳

蕃梅安君曰芳碩幼臣竊觀帝王之興其祖宗積累之遠未及著  
衍之多未有若周家者也爰自后稷歷數十世以至文武而興業  
振鱗趾訖螽斯寶基蒼姬八百年之曆而先世仁厚之德以  
致之者也今我國家自司空至于桓王積善悠久而我殿下以英  
明之資神武之畧遠紹遺烈光膺大慶以開億萬世無疆之休  
金枝之衍既茂且蕃誠與周家并隆是其積之久故發之者大樹之  
者固以傳之者長遠於戲盛哉銘曰於皇仙李本固根深葉自司  
空世茂德音長隆其祥至于桓王能我明主奄有東方曆數攸  
歸不試戎衣與民更始昭布德輝王曰不穀獲膺天祿寔繇



祖宗毓慶之力地福舊章延謚以王階德斯室不顯其光振公

姓即篤其慶維本維支萬世有永瞻彼歸州有峙其邱王氣鬱

葱蔥疆維休臣拜稽首我銘不諛刻此貞珉以示後人

有明謚  
康熙朝

國太祖至仁啓運聖文  
神武大皇帝元陵神道碑銘

天眷有德以開治運必先現異彰其符命百夏有

玄圭之錫周有協卜之夢由漢以降代各有之皆由天授非出人謀惟我

太祖大王之在龍淵也勲德既隆符命六著夢有神人執金尺自天

降而授之曰公宜持此以正國夏圭周夢可同符矣又有異人來門獻

書云得之智異山岩石之中有木子更云三韓之語使人出迎則已去矣

書雲觀舊藏秘記有九震震檀之蓋建木渭子朝鮮震即檀之

說出自數十載之前由今乃驗天之眷佑有德信有徵哉臣謹按

濬源李氏全州望姓司空諱楠仕新羅十三世而至皇高祖穆王入  
仕元朝世號名將元政既衰皇考桓王還事高麗恭愍王至辛辛  
丑紅寇陷王城恭愍南遷遣師克復我太祖先令獻捷明  
年輩走胡人納哈出又明年却遜偽王塔帖木恭愍恃倚益重累  
官至將相出入中外衆觀經史疊々無俸濟時之量好生之德  
出於至性恭愍竟異姓竊位權奸擅國海寇深入洪武庚申  
我太祖戰捷雲峰東南以安戊辰侍中崔瑩誅戮權奸過於慘  
酷賴我太祖全活頗多瑩以太祖為侍中仍授右軍都統節鉞  
遙遣攻遼沈威化島倡率諸將仗義旋旆師既登岸大水浸  
島人皆神之執退瑩代以名儒李穡為左侍中方是時也權奸濁亂

狂悖構隙危亡岌岌禍亂莫測非我太祖轉移之力一國殆矣  
己巳秋帝責異姓為王太祖與將相建立王氏宗親定昌君瑤  
盡心輔政群情胥悅以高見忌讒慝交構定昌頗惑焉太祖盛  
滿請老而不得謝會因西行邁疾而還謀者益急我殿下應機  
制宸群謀尾解洪武壬申秋七月十六日殿下與大臣裴克魯趙浚  
等倡義推戴臣僚父老不謀合同太祖聞宸驚起牢讓再三  
勉登王位不下堂陞而化邦國非天啓佑有德時克如茲即遣知  
中樞院事臣趙胖奏聞帝詔曰三韓之民既尊李氏民無兵禍  
人各樂天之樂乃帝命也繼又有勅國更何號即遣藝文館學  
士臣韓尚質奏請又詔曰維朝鮮之補美可以本其名而祖之體天



牧民永昌後嗣縣我太祖威聲義烈升聞于上簡在帝心故當請  
命輒蒙俞音豈偶然哉越三年甲戌有構國家者帝命遣親  
男入朝太祖以我殿下通達達理即遣應命既至數奏稱旨優  
禮賜還其冬定都于漢陽營宮室建宗廟追尊四代為王修禮  
樂而竣祀事定章服而辨等威興學以育才重祿以勸士辨析  
詞訟慎簡守令獎政惠單庶績惟熙海寇未服四境安堵我  
太祖觀盛德真所謂天錫勇智聰明神武雄偉之主也奸臣鄭道  
傳戊寅乘我太祖不豫之隙欲挾幼孽以肆已志我殿下炳哉鐵  
除以嫡長請建上王為世子九月太祖以疾未瘳禪于上王王  
未有繼嗣且謂問國定社威我殿下之績乃冊為世子庚辰秋獻

太祖以啓運神武太上王之號冬十月上王以疾禪位于我殿下  
遣使請命永樂元年帝遣使奉詔印來封為國王繼遣使來  
賜袞冕九章袂視親王戊子五月太祖晏駕春秋七十歲在王位  
七年老石聽政十一年方鈞忽遺嗚呼痛哉我殿下哀慕同極諒  
閣盡禮奉冊寶上至仁聖文大王之號是年九月葬于城東楊州  
治之恤巖之山陵曰健元及訃聞皇帝震悼罷朝即遣使賜祭以  
大牢其文略曰惟王明達好善出於天性敬順天道效義據忠恭  
謹事大保恤一方之民我皇考深嘉忠誠賜復國號曰朝鮮王功  
德之著雖古朝鮮之賢王無以過也又賜誥命謚曰康獻又勅  
殿下賜賻特厚寵異之典備極無憾蓋我太祖畏天之誠殿下

繼志之孝前後相承克享天心故於終始之際大獲天人上下之助如此  
其至嗚呼盛哉臣觀歷代受命之君德業之盛符命之神輝映簡冊  
流光因極今我朝鮮之誕興也盛德貞符于古有光是宜既得其位  
又得其壽峙洪基而流景祚與天地而久長矣臣近敢拜手稽首而  
獻銘其詞曰天生斯民以司牧迺長迺治迺蕃有德 天譔有命  
赫々禹錫玄圭周夢協卜惟我朝鮮肇基王迹夢有神人授以  
金尺符以錄前定天心昭晰庶運既終君臣相酷農月興師大邦  
構隙我旆義旋罪人斯得忠誠上聞帝宥載憚曆數有歸輿情  
斯迫大業既成帝肆不易高皇曰咨惟爾有國民無兵禍樂天  
之樂繼賜國號朝鮮是復相地定都于漢之北虎踞執盤玉氣



攸積宮室崇、宗廟翼、仁深好生治蔚思輯百度具修萬  
化斯洽迺倦于勤傳付聖嫡迺讓于功惟世惟及明、我后有  
歲必燭禍亂再平其慶克篤開國之社威后之績大命難辭神  
靈有託祇奉 兩宮虔恭愈恪孝弟通神 帝眷允渥追表惇  
惇哀慕踴躍 帝聞震悼遣使吊哭大牢有祀厚賻有勅美  
謚褒嘉恤典脩飭自天佑之終始不惑景祚縣、子孫千億宗祀  
悠長与天同極、文簡公安公墓碑銘公諱宗源字嗣清姓安氏順興府人考諱  
軸號謹齋中皇元制科相高麗為贊成事卒謚文貞公生而聰慧  
稍長知讀書不事嬉戲舉止異群兒識者知其必貴公年十七聯  
中成均試禮闈選乙酉遂入藝文館二檢閱舊居是館者率以疎放

相尚公繩以禮法館中肅然丙戌再加修撰供奉秩滿當去同僚  
沈東老年高位下公讓之使得先遷文貞聞之喜曰讓德之先  
也我讓於人誰捨我吾家有人殆益昌乎辛卯恭愍王立除都官  
佐郎癸巳擢典法正郎時田民刑訟皆聚典法公裁決平允人稱其  
明甲午年三十遷為慶尚道按廉陞辭之日王問理民之術公先諸道  
按廉數陳詳切王稱善治果有聲或移于吏部時罷政房以  
銓選歸吏兵部公掌其務不阿權貴同列憚服辛丑出按楊廣  
其冬紅賊犯松京恭愍王播越而南公先往忠州以備供御時王左  
右有以事舍公者潛于王曰按廉宗源到忠州已踰嶺而遁笑王  
信之遣中使執以來使者至忠州見公在館營辦供具知其被誣

執與俱未以其事聞王釋不問左右復譖遂械繫之宰相以非  
罪白王乃貶知清風郡事踰年而罷其民至今思之及辛卯擅  
權有執政者與公言某等薦公宜速往謁公辭曰我本疎懶趨勢  
非吾所從也執政慙之反譖公出為江陵府使有惠政未久而代聞居  
七年屏跡不出詩書自娛晚伏誅復為司憲侍史屢官至己未階  
加匡靖封重大匡興寧君辛酉加純誠補祚功臣號壬戌又加功臣之  
號丙寅拜政堂文學戊辰崔瑩得政誅權臣貪汚者以公清謹除門  
下贊成事恭讓君立復拜判三司事壬申今我王上即位以公為國  
初元老清德重望足以坐鎮雅俗授特進輔國集賢殿大學士  
甲戌公年已七十矣復奉使如上國至連山站稱有朝旨阻當而還



三月以疾卒于第卧同上悼甚罷朝命遣門下左侍中趙浚貴  
教書致奠于殯加謚文簡五月葬于臨津縣瑞國河公天質簡  
重夙神清朗持身以慎當官以勤居家不言利臨事安詳待人  
接物位尊而益謙始長子仲溫嘗尹安東親書訓誡之辭數十  
條以与之舉皆為法作序於宅之後岡廟以雙清因為自號寒  
至必置酒惟以禮意款洽歷相累朝不為子弟求恩澤趙審直  
云乞後公二十餘年乃任江陵知父老思公不忘為構生祠堂西公  
像以掛之及公之沒遠近聞者莫不相吊以悲公之終始可謂克全矣  
公娶金輝南之女生四男長仲溫無子先公歿次景良次景恭次景  
佺銘曰萃祥高山于興是環淑氣收鍾迺降歆神迺生碩人溫其恭

位冠蟬聯壽享稀年善始令終有子有孫藉履盈門教誨之

功瑞國之原夏履之墳惟公玄宮伐石作碑爰刻我辭永示無窮

五原伯父同公謹按李氏清州之籍為國望族最顯且父高唐太

祖之肇興也有諱能希克左右有切封為國公勳形壁上至六世孫

諱公升繼行修潔相仁王毅王常奉使于金不受一錢清德益彰毅

王於秋夕翫月天朗無雲嘆賞久之乃曰今宵明月猶公升胸中

與一點塵埃卒謚文貞上下數百年間子孫濟美世德相承逮文

簡公益自飭理以貽後慶司平公與其子上黨君協心戮力相我朝鮮再有這文簡公諱樵古名春吉年二十九始以明

社佐命之功同建勳盟並崇台易上黨與弟清平君皆尚公主積善之慶益大以昌

蔭拜八關寶判官明年冬中丙科及第歷仕至光祿大夫刑部尚

書公當以清儉自律循蹈禮則不隨俗俯仰世俗服其心直退居鎮

州之常山石孔宦達恭愍王在潛邸久聞其賢及即位召至于京  
嘉其清慎親書文貞公操復大節及毅王翫月嘆賞之語繼以  
公志慕祖先志薄世味之事以賜之方將大用遽歸舊隱卒無疾  
卒春秋六十三葬于常山之南麓父諱季誠謚正憲追贈公門下左  
汝丞面原伯有男四人長曰由信先公歿次居仁次居義次居易銘曰脰  
脰西原孰濟其源國公肇緒克固其根其根既固枝葉是繁烈  
烈文貞操復之清留中無累秋月之明顯允刊部維德之行身以禮  
持不与俗随清儉彌篤厚積厥基宜卿宜相訖莫以施遺慶于  
後以垂其裕迺啓司平既竣具武忠在社稷切歲盟府父子再嘏同  
獎王室兄弟並美王姬是室赫々寵光雖古罕匹威德守法愈謹



秉節福未有艾燭光前烈繩之來裔引之無替刻辭于碑昭示永

世

箕子廟碑銘  
卞季良

宣德三年戊申夏國王殿下傳旨若曰昔周武王

克殷封殷太師于我邦遂其不臣之志也吾東方文物禮樂倂擬  
中國迄今二千餘禩惟箕子之教是賴顧其祠宇隘陋不稱瞻式  
我父王嘗命重營予承厥志而督之今告成矣宜刻諸石以示永  
久史臣其文之臣季良承命祇慄不敢辭臣竊惟孔子以文王箕子  
並列於易象又稱為三仁則箕子之德不可得而瀆也思昔禹之平水  
土也錫洪範彛倫叙矣然其說未嘗一見於虞夏之書歷千餘  
年至箕子而始發白非箕子為武王而陳之則治書天人之學後之  
人何從而知之箕子之有切於斯道也豈偶然哉箕子者武王之師

也。武王不以封於他方，而于我朝。鮮朝，鮮之人朝夕親炙，君子  
得聞大道之要，小人得蒙至治之澤，其化至於道不拾遺，此豈  
非天厚東方，畀之仁賢，以惠斯民，而非人之所能及也耶？井田之制，八  
條之法，炳如日星，吾邦之人世服其教，後之千祀如生，其時慨然對越  
自有不能已者矣。洪惟我恭定王聰明稽古，樂觀經史，而我殿下  
以天縱睿哲之資，緝熙聖學，其於洪範九疇之道，盖有神會  
而心融者矣。所以作之述之，以政其宗，德報功之典者，出於至誠實  
非前代君王所可得而儼也。卿士若民相率而起，是訓是行，以近  
天子之光，而得与於敷錫之福也，無疑矣。於戲，盛哉！民為屋，若干  
置田以供築，盛復戶以應洒掃，命府尹以謹享祀，廟宮之事，盖無

臧矣臣季良不勝感激獻銘曰嗚呼其子文王為徒先也隳祀帝制  
是數匪直師殷實師武王殷棄而亡周訪以昌大哉天下身佩安  
危欽而東來天其我私以教以治一條其章孰愚不明孰柔不剛漢  
書稱美道不捨遺俾夷為華唐有其碑亶我王光紹絕學罔契  
其理躬行其法既作乃述祠宇翼有峙其堂神御俾寧歲時  
享祀克敬克誠嗟小臣潛心道徑今承王命稽首撰銘感德之  
光彌萬億齡。國學商廟碑銘永樂七年己丑秋國王殿下命臣季良若  
曰惟我先考太祖受天明命肇造家邦宣都漢陽並建廟學  
所以尊先聖而重文教也予承丕緒聿遵成憲重新廟宮既成  
矣學官等請文之石垂示將來汝其筆之臣季良承命微其始末



歲甲戌太祖既建都其宗社朝市城郭宮室之制咸底脛宜即  
謀營廟學度地於都之東北隅山止土衍水環以沅脛位面陽命  
驍興府院君閔霽治之鳩工飭材經始於丁丑三月歲事於戊寅  
七月聖哲宗宇從祀旁序學在廟後中明倫堂左右有夾引  
脩廊于兩夾之南左夾之東有廡有廊師生之位正錄所處無一  
不完規模宏敞締等堅鎮凡為屋大小以間計者九十二置田以供  
築盛廩生徒復戶以應洒掃足使令廟學之事可謂備矣而火于  
庚午二月其年十月殿下即位于松京詣學謁先聖命曹子就  
學歲乙酉還都親奠于先聖先師越三年丁亥命即廟之舊基而  
新之星山君臣李禔暨同知摠制臣朴子青董役晨夕替視心計

指授工師用勸四閭月而廟成崇深端大比舊有加作神厨于廟  
之西東西門于兩序之下加給田田至萬餘畝以自計者三矣用左  
政丞河崙獻議躋郟沂二公於配位陞子張十哲廟宮之制益無  
憾焉臣竊惟聖人之道大矣不可得而讚也雖強有言其不類於脩  
天地而畫日月者幾希吾夫子生於周末集羣聖之大成而折衷作  
百王之大典而垂教而極於他初澤沆於無既生民以來未有其盛寧  
予所謂賢於堯舜者其有以夫自唐以來際天蟠地廟貌相望崇  
祀不忒矧吾東方爰自古昔俗尚禮義服箕子以條之教彞倫之叙  
典章文物之備倂擬中國吾夫子蓋常有欲居之志矣營建廟學興  
宗文教固非他邦之比也恭惟太祖大王應天順人草創洪業奄有

東方宣都之初即以崇聖化興儒術為先蓋其尊德樂道誠出  
乎天性而卓然有見於出治之本源當務之為急矣所以貽謀垂裕  
淑念而壽國脈者嗚呼至哉殿下仁孝謙恭剛健睿智克紹先  
業臨政之暇樂觀經史每至夜分卷不釋手以極於致誠之學蓋  
持守盈成之道焉求之而古蓋亦絕無而僅有矣世道方亨人文宣  
朗一時勳親大臣百僚庶府以至宿衛之臣莫不嚮學非我太祖  
右文興化育養人材而我殿下弘大前烈躬行於上以鼓舞多士作  
新斯民之致然欣肄業有學承祀有廟周旋登降愀然對越觀感  
開蒞勉循由門而堂以求其室成德達材致君澤民者接踵而出  
駸乎三代作人之盛可俟也豈惟臣觀易聽煥燿一時而已哉實我



朝鮮宗社萬世之福也稽首獻銘曰於穆宣聖上應時而生包  
義迄周集厥大成自生民來孰盛与京赫哉崇祀周于普天矧  
曰其封禮義惟先揖讓俎豆從古則然天錫太祖神聖武文  
昭受帝命克集大勲翼神都惟漢之原迺經學宮聖廟  
在中奠薦講肄多士景從明我王續緒增切緝邇聖學  
今古罕同有倬新宮躋祀二公元良入學國本攸隆我作我述先  
聖是崇人材是育凡化是懿孰與秉彜而自暴棄人自進學  
世日趨治登三咸五刻日以俟華山嶙嶙漢水亶亶与國無疆惟  
聖之祀窮石極詞于永厥視妙嚴尊者增銘我太祖之元年冬十月師  
以石至松京太祖以是月十日能辰具法服若器封為王師大曹

漢宗師禪教都摠攝妙嚴尊者兩宗五教諸山釋子時在烏師  
陞座拈香祝釐已豎起拂子示大眾曰這箇是三世諸佛說不到  
歷代祖師傳不得底大眾還會麼若心思口舌計較說話者何  
有吾宗復於上曰儒曰釋曰慈其用一也保民如赤子乃可為民  
父母以至仁大慈在邦國自然萬壽無疆金枝永茂社稷康寧  
矣今當開國之初陷於刑法者非一願殷下一視同仁悉皆宥之  
俾諸臣民共臻仁壽之域此我國家盛疆之福也上聞而嘉之  
即宥中外罪囚時韓山牧隱李文靖公以詩贈師有聖主孰飛  
天王師佛出世之句上以檀岳寺懶翁所居大道場命師入焉丁  
丑秋命造壽塔于寺之北崖師指空浮圖所在也戊寅秋師以老辭歸

居于龍門明年又入金剛山以自九月示寂丁亥冬上命敕安大君和  
肩師骨于檜岳之塔又四年上命臣季良名其塔且為銘謹按其  
弟子祖琳所撰行狀師諱自超號無學所居曰溪月軒壽七十九  
法臘六十一俗姓朴氏三歧郡人也考諱仁一母蔡氏蔡夢見初日  
射懷中遂有娠生始免襁褓便行掃除及就學人莫敢先年十  
八脫然有出世之志依慧鑑國師上足弟小止禪師薙髮具戒至龍  
門山皆法于慧明國師法藏國師示法已乃曰得正法者非汝而誰遂  
舍居浮菴菴一日菴中失火師獨靜坐如木偶人衆異之因看楞嚴  
經有悟自是廢寢忘食專於奉究壬辰任妙香山金剛窟印蓋  
進或睡則若有聲鍾磬以警言焉者是時釋然了悟汲有求師取



質之意挺身走燕都參西天指空禮拜起云三千八百里親見和尚  
面自空云高麗人都殺了蓋許之也次年劉法泉寺參懶翁一見而  
深器之遊霧嶺歷五臺再見懶翁於靈岳寺留教載其在定也  
至有當食而不知者翁見之曰汝却死了耶師笑而不答翁曰謂師  
曰相識滿天下知心徒幾人徐曰我成一家矣又曰道之在人如象之牙雖  
藏之不可得也他時徐豈不為人吊物乎丙申夏欲東還告辭翁手  
書一紙送行曰觀其日用全機與世有異不思善惡聖邪不順人情義  
理出言吐氣如箭鋒相拄白意合機似水歸水一口吞却賓主

將身透過佛祖關俄然告行余以偈送云已信囊中別有天東西  
一任用三玄有人問你參訪意打倒面門更莫言師既還懶翁亦以

指空三山水投託還國住天聖山元曉菴已及翁在神光寺師亦注  
焉翁之徒有忌師者師知而去之翁謂師曰衣鉢不如言句以侍遺師  
云間僧輦起人我心妄說是非甚不然翁以此四句頌之永斷凌疑  
分袂別有商榷處誰識其中意更玄任你諸人皆不可我言透過却  
望翁師入高連山卓菴養道辛亥恭慙王封懶翁為師叔住松廣以  
衣鉢付師以偈謝丙辰翁移錫檜宸大設落成會馳書召師以  
充首坐師力辭翁曰多官不如多退臨濟德山不做首坐來俾居  
便室翁逝矣師遊諸山志在收藏不欲人知前朝之季召以名刺至  
欲封為師皆不至卒有壬申之遇師之去就豈偶然哉歲癸酉  
太祖欲相上建都命師隨駕師辭太祖謂師曰今古相遇必有

因緣世人所下豈若道眼也幸鷄籠山及今新都師皆扈送其年元  
月師以先師指空懷為二塔名及掛懶寂真事奉古剎塔名於  
檜巖大設掛真佛事于廣明寺自製真讚云指空于鈿平山  
喝選擇切大對御前最後神光遺舍利三韓祖室萬年傳戒更  
入金剛山住真佛菴乙酉春有微疾侍者欲進醫藥師却之曰八  
十有疾何用藥為夏移于金藏菴即其示寂處也月義安大  
君遣人致書師答書有山居邈爾會渴無期他時異日佛會相  
逢之語謂大眾曰不久吾逝矣已而果然始師病革僧回四大名難  
而甚愛去師云不知又問師屬聲云不知又僧回和尚病中還有不  
病者無師以手拈傍僧又回色身是地水火風那箇是真法身師



以兩臂相拄而云這箇是一箇蒼已寂然而逝夜半也時華嚴釋贊  
奇在松京法王寺夢見師立空中佛頂蓮華之上佛與蓮華其  
大彌天覽而心異之與寺衆說其夢聞者疑其非常未幾訖至  
即其夢時也師所著曰印空吟文請公序其端印成大藏安于號  
門文請公跋其尾師性尚質不喜文飾自奉甚菲餘輒施捨嘗  
自言曰八萬行中嬰兒行為第一凡所施為無不相若者且其接人恭  
愛物之誠出於至心非有所勉蓋其天性然也名其塔曰慈智洪融且系  
以銘曰師道之卓匪夷所思禪覺之嫡祖聖之師在平居嬰兒之  
如具眼之遇箭鋒相拄一鉢一衣謙卑自卑尊宗無對若或有之或去  
或就先不見苟天錫佛壽七旬有九來也何從日射懷中去也何向蓮華

上虞其徒面表厥跡而間之堅久惟石刻此銘章垂示因極。

金剛山長安寺  
聖天子龍飛之七年皇后奇氏以元妃生皇太子既而脩

壺儀居于興聖之宮顧謂內侍曰予以宿因蒙恩至此今欲為皇帝

太子祈天永命非祀佛乘其何以哉凡其所謂福利者靡盬不舉及

聞金剛山長安寺最為殊勝祝釐報上莫若地若也越至三年出

帑楮幣一千錠俾資重興永為常住用明年又如之又明年如之集其

徒五百施衣鉢作法會以誌其成廼命宮官載本末于石以詔方來遂

命臣穀為之文謹按金剛山在高麗東距王京五百里舊山之勝非獨

名天下實載之佛書其華嚴所說東北海中有金剛山曇無竭菩

薩與一萬二千菩薩常說般若者足已昔東方人未之始知而指為

仙山爰自新羅增飾塔廟於是禪院遍於崖谷而長安寺居  
其麓為一山之都會也蓋荆於新羅法興王而重興於高麗茂  
王噫後法興四百餘年而成王能新之自成王至今已將四百年矣  
而未有能興復者比丘宏下見其頽廢與其同志誓於所謂曇  
叟謁曰所不新茲寺者有如此山即分幹其事廣集衆緣聚材  
於山鳩食於人先新佛宇宿館僧房以次粗完而費猶不給  
則又嘆曰世尊作祇園孤獨側金念豈無人顧不遇耳遂西  
遊京師事聞中宮而高資政主之又力故其成就如是竊惟乾  
竺之教與時興替若我世祖皇帝是崇是信列聖相承而光大  
之今上皇帝緬志述事尤致意焉蓋聖人好生之德佛者不殺



之戎同一仁愛同一慈悲也中宮之觀感有所自矣且古之施德  
天下者莫如五帝三王垂教於後世者莫如孔子以今觀之帝王之  
廟食者幾希孔子雖有廟而限於禮制邇豆薦臠皆有常數  
其後之食僅取足焉惟淳熙氏其宮在夷夏者基布星列殿  
陛嚴金碧之飾視王者之居香火服食之奉視封邑之人是其  
感動于人者實深以廣為寺之興宜也此為屋以間計之百二十有  
奇佛殿經藏鍾樓三門僧寮客位至於庖福之微皆極其輪奐  
像設則有毗盧遮那左右盧舍那釋迦文魏然當中萬五千佛五  
十三佛周匝圍繞居正殿焉觀音大士千手千眼與文殊普賢彌勒  
地藏居禪室焉阿彌陀五十三佛法起菩薩剎盧舍那居海藏之

宮皆極其莊嚴藏經此四部其一銀書者即皇后所賜也華嚴三  
本法華一卷皆金書六極其寶飾至若舊有三田依國法以估計  
之千有五十即成王所捨也鹽盆在通州林道縣者一所謂陰銘有  
山竅骨斬嚴突兀名金剛方貝書所著菩薩住處亞清涼方吹  
噓烟雲輪囷徇溫茲神光方鳥獸其剗蟲蛇其仁草木香方  
釋子卓菴楊空架山石遙相望方長安精舍居山之下大道場方  
摩基羅代屢其成毀時不常方天啓聖神世祖之孫君萬方  
方德洽好生煦濡含靈慕空王方於惟賡后體坤之厚承紘  
剏方歸心身毒取彼妙福奉我皇方惟此福地仙佛奧秘珍產  
祥方一人有慶天其中命壽無疆方明兩作離永固鴻基与天

長芳后謂內侍惟彼法身其化彰焉既新其宮宜紀其庸俾無

忘焉有石我子山之阿勒銘章兮

白鷄山玉龍寺贈隱先  
賞國師碑銘

崔惟清師諱道訥

俗姓金氏雜羅國靈石人也其世系父祖史失之或云是太宗大  
王之庶孽孫也母姜氏夢人遺明珠一顆使吞之遂有娠彌月不  
近葷腥惟以持經念佛為事既乳育復異凡兒雖在提孩於  
嬉戲啼泣之間其意有若敬畏佛乘之為者父母知其必為法器  
心許出家年十五穎悟夙成兼解技藝遂祝髮肆月遊山華  
嚴寺讀習大經不閑歲以通大教文殊之妙智普賢之玄門皆契  
入無遺學徒百千咸所駭服以為神聰子時惠徽大師傳密印於西  
堂智藏禪師開堂於桐裏山遊方尤益者多歸之師乃振衣禪門



請為弟子大師嘉其聰敏接以至誠凡所謂無說之說無法之法

虛中授受郭南超悟年二十三受具戒於穿道寺師既達了我

遊無定所踰烟霞臨泉石尋此迹勝未嘗怠息或於雲峰山下

穿洞安禪或於太白石前結茅坐夏名稱普聞蒙汝尊仰道

行所感神奇之迹頗多然非要者不錄曦陽縣白鷄山有古寺曰

玉龍師遊歷至上愛其此勝陞葺堂宇湛然有終焉之志宴坐

忘言三十五載於是四方學徒雲趨影附執巾匝奉杖屨為弟

子者常數百人根機差殊一雨普潤自挈神授虛泐實歸獻康

王教其高德遣使奉迎一見大悅留止禁中每以玄言妙道開發

君心未幾不樂京聲懇請還歸本寺忽一日召弟子曰吾將行

矣夫乘緣而來緣盡而去理之常也何足悲傷言訖跏趺而寂時  
大唐光化元年三月十日也享年七十二衆啼泣如慕如疑遂遷坐  
立塔于寺之北崗遵遺命也孝恭王聞之悼嘆特贈諡曰了空禪  
師名塔曰澄聖慧燈始師之未卜玉龍也於智果山臥領置菴止  
息有異人來謁座下啓師云弟子此栖物外近數百歲矣緣有小  
技可奉尊師倘不以賤術見鄙他日於南海汀邊當有所授此亦  
大菩薩救世度人之法也因忽不見師奇之尋其所期之處果遇其  
人聚沙為山川順逆之勢示之顧視則其人已無矣其地在今求禮  
縣界土人稱為沙畝村云師自是豁然益研陰陽五行之術雖金壇  
玉笈此竈之訣皆印在骨髓後新羅政教浸衰有老亡之北

師知將有聖人受命而特起者因往遊松岳郡時我世祖在郡方  
筭居第師過其門曰此地當出王者但經始者未諳耳適有青衣  
聞之入白世祖遂命出迎入告其謀改營之師因曰更後二年當貴  
子於是換一卷書實封之進世祖曰此書上未生君子然須年至壯實  
而後授之耳是歲新羅獻康王立唐乾符二年也四年我太祖果誕  
帝于前第逮壯得其書觀之於是知天命有所屬遂剷除寇暴  
肇造區宇恭惟神聖豈當有心於天下哉其所撥亂反正躋  
民壽域洪業休德傳之無窮者 復天捕有德民懷于仁然其  
啓聖期於化元定成命於此數其原皆自吾師發之蓋其功烈巍  
巍赫々如此之感宜在褒大而追宗之故顯王有大禪師之贈肅祖



加王師之號逮于我聖考恭孝大王丕揚列聖所以念切報德之  
意遂進封爲先覺國師仍遣使告禮行事于本寺影堂今又  
命刻其事以壽其傳盛哉其無以復加矣夫帝王之將興其威靈氣  
焰必先有以動滌於物者故高材絕識者填然而起或爲之先或爲  
之後以致其用焉若國師之於太祖其事甚偉蓋先識之於降生之  
前而施其効於身歿之後其神符冥契有不可思議者於獻師道  
其詣於極者與佛祖合寓於迹者若張子房之受書於神釋實  
誌之預言未兆一行之精貫術數者耦欣師所傳陰陽說數篇  
世多有後之言地理者皆宗焉銘曰過者諸佛有微妙法非文字詮  
非思修攝超然直指一念千劫惟我國師優入其域善學與學真

空不空其法眼四闢大通惟其緒餘寓數術中石憑著筮懸解  
與窮舊邦椒擾新命稽閼先終至終未至知至撰書預獻國祚  
攸始作周興漢如掌斯指聖人聿起膺錄受焉乃眷所屬發之  
自吾人雖隔世事若今符殊切常績與山河俱歷歲三百風沅如  
在瞻仰高躅 天石勒碑舊祠揭示不載治甫山君守護無怠心  
大匡左議政世子傳書局府院君 公諱監字字正卿其先本金氏漢明帝  
謚翼平公權公碑銘中叔射 永平八年開智生於始林稱金氏事極異其後裔與朴皆更王新  
羅至諱卒守安東郡遭遇高麗太祖始賜姓權以安東府為食邑  
官至三韓壁上三重匡公祖諱近以性理之學聞我東人號陽村謚文  
忠考諱跽文章繼世號止齋謚文景妣李氏永樂丙申生公自永平

乙丑至是凡十有餘年世有顯懿以服大僚豈非所謂根深而枝茂源遠而流長者也公幼好讀書宏達博雅志大多奇策載笈尋名山古蹟無所不到必與上黨韓公子濬俱至輒留讀著文章遣懷不事仕宦年三十五高臥不事舟遊人勸赴第一舉連三魁今上方在潛邸受命征武臣公為侍從上知有大才待之極款時權奸弄勢社稷隳馳公首建大策且薦子濬上乃委公規畫招集忠義髮櫛苗孽逐夷大亂論功賜號輪忠衛社協策靖難功臣及上即位又賜同德佐翼功臣號功臣第一功臣黨盤結内外交煽虐罔翕不資寸兵尺刃徒以忠義自奮雖天命有歸真主應運苟非公壽男德望為先後贊襄焉能左袒嚮



應不崇朝而致此清明以安宗社哉請難佐翼並冠勳烈宜矣  
超拜同副承旨國法中科者例設宴以榮其親公為太夫人設宴鵲  
髮在堂軒蓋填門上以領議政亦押宴親壽大夫榮耀一世吏曹  
參判封吉昌君吉昌六安東也上即位以清浩命赴燕京叔舟亦  
偕公安貌豐偉整之如有德望中華之人莫不愛慕敬禮竟得  
命而還上喜一行之人並賜號元從功臣陞公資憲吏曹判書集  
賢殿大提學累陞宗政判中樞院事公自幼患氣虛每臥死夢  
至是乞間手札報曰解之於予非可以知德合論也天實為生卿  
有絲毫有私予有絲毫有欲而冒災水火忘身妻子誓天及地  
遂定禍亂乎得有今日卿實切業主人今見卿林泉之趣驚嗟不

已卿何得解天任遂拜大匡右議政陞左議政為相寬裕樂易方  
嚴凝重務遵成法存其大體略其細節施未究而竟以疾乞罷  
免相然軍國重事皆遣就咨饋問之使不絕於路疾漸革內醫  
守藥太官繼厨無所不至成化己酉卒上震悼輟膳輟朝賻贈有  
加大巾驚惜嗟悼盈路交薦奔走呼慟叔舟每與公以盛滿爭欲  
乞退公竟先著鞭脫遺紛埃冲漠保神謂當永享眉壽而至於  
此天道亦難憑耶初公之退除晝夜下叔舟起觀批目坐以待朝公  
果以詩數篇自詭曰從今不羨韓丞相匹馬西湖獨往還叔舟得  
詩恍然自失常約歲賞春公第援南山之麓俯瞰都市桃李花  
散紅白繁然在几案前凡一開延而叔舟連年巡督北鎮還則事兄



公又病不再尋約於今叔舟亦得素志釋重負可以從安而事与  
化逝不可復追噫公娶李氏生二男一女男長曰傑次曰健自始祖英  
世餘慶至公而彌大既大之而當其壽何耶四月附葬于忠州治西  
彌法谷先公兆次明年秋伐樂石將壽公勲德噫公之宦歷勲  
業上眷之篤自有國史固未暇詳也居家孝友遇親戚待交  
舊各盡其道雖積竹帛亦莫之罄也姑男叙梗既終歸之痛  
惜之情而已爾叔舟与公年相若結髮同遊每与公戲競詭相為  
誌邱實今果爾也耶噫九原可作不知謂何嗚呼痛哉銘曰遠  
矣公始出自始林高唐之初權而改金積慶旣光軒冕相槩或以  
功德或以文章號美傳芳至公彌張根深源遠枝茂流長公爲



願初讀書為業卓犖不羈湖山浪跡一舉三魁事蹟跡奇  
知大君子所謂如斯權公竊柄噓寒吸熱採撷美穢禍及宗  
祏天眷大東生我聖哲贊揚共濟錫之良鄉天命人歸影響蛾  
燭芟夷姦冗簡拔俊特析離紛厖濬導滯塞祛彼蛟數數我  
需澤入相廟堂恢弘道德君有著龜國有柱石天何不慙而奪  
其齡嬉戲真情膠漆忘形惜公慟公我公我私嗚呼公平而止  
乎茲死生變化逝者不留春過東山痛哭西州祀德銘熟愧言  
手但列情素以示于後

鍾漢公上書  
公神道碑銘  
徐居正

君韓公  
常明濬字子

濬韓本清州大姓遠祖諱蘭佐嚴祖封三韓功臣考諱起公勲  
贈領議政妣李氏永樂乙未生公大夫夫人姓公纔七月而生四體初

未具一家欲不舉有老婢置敗絮中視護甚勤過數月漸  
就及癯腹背有黑痣象星文人皆異之早喪怙恃落魄不振沈  
依逆祖審判尚德審判曰此兒器宇不凡終必興吾家者公自幼好  
讀書學舉業然年齒已壯屢屈場屋怡然自處不屑於意與  
吉昌權公驥結為死生友相得之懽雖管鮑不及與權志同氣合  
不治產業嘯傲山水有或自適終歲忘返於聲利淡如公嘗戲吉  
昌曰文章道德余固讓君至於經綸事業吾豈多讓凡發於  
議論卓犖奇偉人皆以大器目之公年三十八補敬德宮直時  
顯陵昇遐初冲在位權奸用事國勢危疑公常懷憤世之志一  
日語吉昌曰時勢至此安平睥睨神器陰結大臣為之聲援禍

亂之作不朝則夕君獨無一念及此乎吉昌曰君計得矣計將安  
出公曰平定禍亂非濟世拔亂之至不可首陽大君豁達同漢  
祖英武類唐宗天命所在昭然可知今子侍筆覲何不逆容建  
白斷之於早乎吉昌以公畫策告世祖且曰韓生有幹局國士與  
便今之管樂公欲守延陵之節則已如欲平治斯世非生不可世  
祖急命召公幅巾入謁世祖一見如舊遽前挽手曰何相遇之晚  
今上雖幼如然夾輔可以守成大臣恤邪携貳於谗以負先王  
托孤之意祖宗先靈將置何地言訖涕下公亦慷慨極陳返正  
之策世祖曰於形勢弱何公曰明公以宗室之貴為社稷討亂賊  
名臣言順萬無不濟之理古語曰當斷者斷反受其殃願公三思



世祖曰卿勿多言吾計決矣自是凡秘計密謀皆委公指畫公曰漢  
高雖任用良平而制勝則用韓彭唐宗雖任用房杜而戰伐則  
用褒鄂遂薦武臣有勇略者數十人癸酉十月將軍義兵有一  
二持疑沮衆者公拔劍大言曰有生必死人所難免死於社稷不猶  
愈於徒死者乎敢有異者斬於是招集義士遂除元惡髮櫛苗  
稯夷清大難是雖出於世廟英謀睿斷而運籌決策之功公實  
居多遂擢司僕少尹策勲賜輪忠衛社協策請難四臣之號甲戌  
拜同副承旨乙亥世祖即位賜號同德佐翼功臣丙子帝遣使賜冠  
服世祖將以六月一日設譙廣延樓迎黨李壇成三同等約於是日  
舉大事公啓廣延狹窄世子宜勿赴譙雲鈞諸將亦不入侍上可之

三同之父腰佩雲鈞直入公呵止之逆黨知事不濟有欲先害公者  
三同曰大事未成雖殺韓某何益翌日事露皆伏誅廣延之德請  
世子不坐武士不入其深謀遠慮出人意表元惡果不得售其奸是  
雖祖宗陰隲扶佑之力亦莫非公之忠誠默感於天而天亦相之也冬  
陞都承旨常居帷幄密贊機政上曰韓某吾之子房也丁丑起  
授崇政使吏曹判書上黨君冬以請封世子赴京戊寅忠清金羅慶  
尚三道不熟命為巡察使盡心賑恤民賴以活先是綾城君具致寬  
議建三道州縣犬牙相錯疆界不正宜割大並小以就其中且慶尚  
道知世助羅等浦蓮花浴池等島皆可罷公奏曰州縣錯置得大  
小相維之制况畫界已久一朝變更民必搔擾且二浦兩島許倭人

捕魚俗引以稅歲察注來法莫善焉今罷之是撤藩籬而納虎  
豹恐有邊患議遂寢隸城又建議吾東方當三國鼎峙之時國各  
有十萬兵本朝盡有其地而軍額反不及請盡剝漏戶隱丁徧之  
行伍上從之有司務欲增額一家十丁簽九為兵民不能堪公啓兵  
欲務精不必務多請俾之上稱善物議皆快已卯為江原黃海平安  
咸吉道都體察使撫禦措置勅中機會壘書廢之庚辰上西幸  
公迎謁道左上勞慰厚切駕至順安將還公請扈從上曰卿國之  
長城不可動搖注鎮之辛巳陞輔國上黨府院君兼判兵曹國家自  
庚辰北征以後諸種野人蜂屯蠟結乘機竊發邊境多虞上赫  
怒欲親征公啓最角小醜不必煩聖武臣雖驚怯足以制之上曰



予之倚卿屹若長城卿其行矣更無以顧之憂當陞辭公曰臣奉  
睿美送事有何難處但願計降不徒事首級上曰閬外之事任  
卿自為公到六鎮大修政具先示威武令謀者語賊曰保妻子愛廬  
舍人情所同汝豈無是心汝若速降則已不然當深入搗巢殄殲為期  
箇來謁曰子有罪父當笞若然改過悔之可也願公活我公待之如  
初諸種野人相率款附上喜曰不戰而屈人吾善之善也壬午拜左議  
政仍兼四道體察使癸未陞左議政將巡四道命東宮錢普濟院  
甲申公治義州下沅無鎮如有賊害孤城每援沅川永興相距甚  
遠朕有不虞勢難遙救置麟山鎮於義州下沅寧遠郡於沅川  
永興之間似為便益上從之丙戌陞領議政世子師尋以病辭不久

夏 睿宗即祚承遺教命二大臣輪直政院參決庶務一日望見  
公啓天憂可懼昌德官無城禁禦疎虞宜令重臣領兵衛未  
幾南怡康純謀反伏誅策勲賜之難訥戴功臣之號已垂終世  
祖實錄冬 睿宗昇遐 殿下入承大統 貞熹王后權同聽斷命  
兼判吏兵二曹公力辭只命兼兵判公盡心機務雖非兵政所管  
無不達白辛卯策勲賜純誠明亮經濟弘化佐理功臣鐵券已  
未以謝恩使赴京竣事而還常有獻議者欲革永安南道節度  
使命群臣議金曰當革公獨曰置南道所以應援北道當施愛之  
亂若有南道與北道響應表裏相制彼山豈如揮囊中物耳失此機  
會賊勢涌漫深可扼腕世廟創置本意非淺見私智所然則欲革

之議臣實未知其可上曰然一日公從容啓曰成均館養育人才之地書籍罕儲學官儒生考覈為難請建藏書閣上允之命立閣于明倫堂北閣既成賜內藏五經四書各十件又諭典校署八道隨書板所在打印裝潢以送於是經史諸子雜書無慮數万卷公又出私帑助費士林稱美之已亥天朝將討建州衛勅本國助順命魚有沼領兵赴之時江水未合雪深路險羅兵而還公啓本國自祖宗以來至誠事大中國亦待之無外今不赴救非徒失藩屏捍衛之義恐中國之有後議臣願更遣重將赴之願殿下留思遂命右議政尹弼商往征大捷而還上謂公曰用卿之策再舉成功予甚嘉之庚子以封王妃及弓角等事赴京敷奏得宜帝慰諭



曰先韓忠誠正直之士奏請蒙俞癸卯春以請封世子赴京是歲  
公年六十九有萬里之行人皆危之公曰人臣荷重恩食厚祿雖馬革  
裹屍死於王事尚且不辭况朝親觀光者乎人皆壯之至京師  
帝聞公至曰忠直老韓復來矣賜犀帶綵服白金及其還遣中使  
餞通州皇眷至重前古所無秋以老乞辭不許賜御札曰功勲冠  
乎累世可徵鳴於一代事君以一心憂國以百慮議論思之則有稽  
言諮詢之則必中元老在朝國之榮華股肱宣力君之賴倚晏疾  
雖必賜藥亦多勉自調養以副眷懷若然則卿有告老之安我免  
棄舊之過甲辰春以七十乞致仕不允賜几杖丁未冬寢疾遣內醫  
治療日遣中使問候及疾遣承旨問所欲言對曰聖上超出百王顧

臣愚昧有何所言但身先朝露永辭昭代唯此介耳續中使  
回之時公瞑目欲絕聞中使至加冠帶於身作喉中語曰聖明至  
矣然始勤終怠人情之常願慎終如始言訖而絕享年七十三震  
悼喊膳撤朝遣中使弔慰曰卿勲德蓋世非他臣之比況於寡躬義  
同一家痛悼之情寧有既耶賜賻祭加等命百官會哭聞公之  
卒遠近莫不痛悼公氣宇寬弘思慮深遠魁顏偉幹望之屹然  
自布衣石數年致位宰相論決大事處之裕如政務大體不事瑣  
尾歷事三朝出入將相四首麟閣而功高百世五長巖廊而名蓋  
一時又戚里之親再為國舅之尊功成而不自居位高而心轉小為國  
柱石係國家安危者餘三十年功名富貴福履之盛今古無比晚年

以盛滿自戒構亭城南扁曰狎陽欲乞散告老御製近體絕句賜  
之者亦再奎壁昭回亭額增輝朝臣應製者無慮十餘人中朝  
文士亦多題詠者聖眷日深卒未償乞退之志公居甌思危克  
全終始求之於古鮮有其儔嗚呼盛哉配黃驥閔氏生一男曰堦  
武科封琅城君女長適申澍次適尹礪次章順王后葬恭陵次恭  
惠王后葬順陵皆早薨恭陵誕仁城大君戊申三月葬清州長命  
里既葬琅城具行狀請神道嗚呼居正尚忍銘諸居正年未冠謁  
泰腐柳先生於北原樞衣受業未幾公与吉昌繼来与之同處討  
論商確閱數年遂托忘年交居正僥倖最先登第公与吉昌  
以屈石伸及兩公同陳勳盟位崇台鼎居正短拙不振因兩公薦



引得至今日吉昌早逝歲寒交道惟与我而已公平素每以後事  
囑居正今則山頽梁壞無復可仰略述公平生勲德之梗槩銘  
之繼之以淚嗚呼悲哉銘曰天地鍾英山河間氣命世之才經國之器  
公昔未遇東山其志時哉屈伸南陽之龍遭遇世廟千載奇逢  
運籌決策贊成大業撐天貫日昭哉忠赤礪山帶河有炳勲烈潭  
潭相府我麟鳳出將入相為國柱石身佩安危與國休戚年踰七旬  
享福無疆伯仲潞國終始汾陽天奪何遽一鑑云亡雖則云亡不朽  
者存懋德懋切曰忠曰勤孰揚厥美簡策煌煌瞻彼西原是公之堂  
天降之祥子孫其昌或不信眎我銘章忠公墓碑銘李承石竊觀  
世之衰也天將興之則必生聖君賢佐相與寧濟一世而升于大猷是故

殷之衰也時則有若傳說相高宗以致中興周之衰也時則有若  
方叔佐宣王光復舊物以今考之傳說有輔相之業而茂聞武以方  
叔有征伐之功而未見相業曷若我文忠公天賦全才應運而生登朝  
聖主文謨武畧出將入相扶國步於斯盛而措之太山之安者乎自  
吾東方有國以來人臣功德之盛蓋一人而已成化十年乙未有疾  
卒于第訃聞上震悼輟膳朝遣承旨吊之賻贈有加於是朝廷  
失其羽翼士林失其宗匠百僚無所於咨決庶民無所於仰賴雖兒  
童走卒莫不咨嗟痛惜至有揮涕掩泣者其門生故吏親姻僚  
友莫哭于殯惟日踵門而不絕嘻公之得此於人又豈聲言笑貌之  
所可致歟越九月葬于楊州松山里既葬嗣子某以公行狀請銘於

余謹按公諱叔舟字泛翁號希賢堂高靈中氏其先本縣吏有  
<sup>諱</sup>成用者始擢第官至檢校考諱樞雷泰判典文衡為一世  
儒宗妣鄭氏以永樂丁酉六月生公自幼穎敏俊偉見之者知其  
為大器及長嗜學於天下書靡不涉獵積之既厚發而為詩文  
汪々大肆不作俗下文字時輩相傳以為程式戊午連魁進士初覆  
試明年世宗親策公擢第三初調典史長吏雷差公察執事  
吏不傳辭因而闕事憲司劾之公聞吏老恐坐罪除名自誣服由  
是稱為寬厚長者選入集賢殿為副脩撰每朝謁長官已退  
藏書閣取平昔所未見書讀之不輟或請代同僚直宿通宵不  
寐一夕漏下三鼓世宗遣小官覘之公方端坐讀書及四鼓又遣



覲之亦然亟賜御衣以獎之壬戌遷訓鍊注簿以日本國喜詞章  
每當通聘必擇文士為書狀官時方欲遣使擬書狀官皆憚  
風濤險遠不行竟以公擬之適久病新起兄弟親故咸曰羸憊  
如此豈堪遠行力沮之公曰人臣當夷險一致豈可為身謀處  
之怡然世宗引見曰聞有病羸可去耶對曰病今良已臣何敢辭  
及至其國聞公方名求詩者至集公下筆不停若不經意思然  
語皆驚人至今傳誦不置每使介之來必問公寒暄公在海途常  
候氣以知風雨雖老於操舟者莫能及時我國與對馬島約定歲  
送舩額島主為群下所誑誤不肯從公還抵島見島主曰此非  
行人所知然聞之竊惑焉若定舩額必授文憑然後得達我國

則權歸島主其利博舡額不定則人皆自達何賴於島主其利  
害雖愚者亦知所擇矣島主悟遂定舡額暨到我境忽阻颶風  
未及臧岸衆蒼黃失措公神色自若曰大丈夫當遠遊四方以踈  
蕩襟懷今涉洪濤見日出之鄉足為壯觀倘因此風得泊金陵能  
見中原文物之盛不亦快乎時公見我國女被擄在彼方有娠命  
與同載至是皆曰孕婦本道所忌可投之以禱爰公曰殺人而求活  
於德不祥吾不忍也俄而風定世宗以諸國各製字以記國語  
獨我國無之御製字母二十八字名曰諺文南局禁中擇文臣撰  
定公獨出入內殿親承睿裁定其五音清濁之辨紐字偕聲之  
法諸儒守成而已世宗又欲以諺字翻華音聞翰林學士黃

瓚以罪配遼東命公隨朝京使入遼東見瓚質問公聞言輒  
解不差毫釐瓚大奇之自是注返遼東凡十三丁卯秋中重試超授  
集賢應教唐午翰林侍講倪謙等責詔到國世宗命公從  
遊蓋欲問知中原典故且學韻語也翰林一見如舊相與唱酬稱  
公為東方巨擘翰林作雪霽登樓賦公步韻和之既還寄詩  
云詞賦曾來屈宋壇為傳聲譽滿朝端其見敬重如此上知公  
有經濟才欲試可特除掌令公屢抗章極言不諱有古諍臣風  
俄陞執義卒未復入集賢直提學壬申秋世祖在潛邸以謝恩  
使赴京薦公為書狀官時權臣秉柄世祖以宗英遠邁多有  
戒心公艱關萬里調護聖躬得竣事而還癸酉轉陞右承旨冬



世祖靖難適公出外然以公夙參密謀賜輪忠協策靖難功臣  
號手批教書云同行萬里誓死社稷遂陞都承旨乙亥世祖  
即位每引入卧内諮訪大義公援引古今指陳利病上嘉納曰若更  
得如卿者一人吾何憂焉賜曰德佐翼功臣號超拜藝文大  
提學封高靈君奉表如京師仍請誥命而還特賜田臧獲內  
子遷判兵曹夏成三同冑獄起逮繫數百人命公謀治緣情詳  
獻金活者多進判中樞兼判兵曹遷右贊成兼大司成俾典文衡  
丁丑陞右議政冬陞左議政先是野人亟入寇上欲征之廷議不一  
公獨以為可征規畫賊策上曰卿言正合予意庚辰命公為江  
原咸吉道都體察使使往討之公部分將士數道并進深入寇

穴草難禽桶大捷而還虜乘夜尾擊營中喧呼應戰公堅卧  
不動召幕僚唱和口號一絕云虜中霜落塞垣寒鐵騎縱橫  
百里間夜戰未休天欲曉卧看星斗心團干將士觀其安閒賴不  
援其指授方略令勇恟奮臨機應變使敵不敢犯雖古名  
將蔑以加矣凱還 上喜甚錫賚不可勝記至午陞領議政戊子  
世祖晏駕 睿宗即位以遺命 命公入政院參決庶務公盡心協  
輔以迺庶政冬定南怡亂賜保社炳哉定難誦戴切臣號已丑  
睿宗又晏駕中外惶 同知所為公獨達白 大王大妃曰宜亟定喪  
主以安人心 大王大妃命王上入承大統辛卯賜純誠明亮經濟弘  
化佐理切臣號授密符以憑宣召防機愛老復拜領議政上書

辭免大王大北下旨曰世祖稱卿為魏徵今忘之乎何遽爾耶  
上又宣旨曰予聞世祖每語睿宗曰予與叔舟定大法必於汝  
時共享太平矣今予初冲卿何固辭壬辰以老病乞骸骨陳時  
獎忠懇剴切上石允仍命寫一通以自警省常命公修世祖睿  
宗實錄至是成世祖以我國舊史疎訛命公撰東國通鑑值國  
家多事未克成書至是上擇命文臣就公第承總裁以訖切且  
命官給餼廩世祖又命改撰五禮儀諸儒論議不一歷三朝  
未就上命公刪定公損益古今偏私情文以成不刊之典公旁通諸  
國音韻手翻諸譯以進學譯者不賴師授易以通曉又記日本  
女真山川要害作地圖以進籌邊者不賴鄉道昭如親履且



作海東諸國記自國王以至酋帥族係強弱管兵多寡與夫疆域  
遠近風俗異同使舛舛來之節我國館饋之式無不備載使有司  
得有所考據不失交際之禮上覽而嘉之賞賜優厚及公遽疾  
上命中官內醫近侍回病遺以御藥厨膳相接於道病革遣承旨  
問後事公以國家昇平邊徼踈虞乃啓北方戍禦宜急措置遺  
命薄葬殉以書籍不作浮屠法公天性高朗德宇淵深豁達之度  
足以有容其宏宏之才足以有為其為學脫略章句務求聖賢之旨其  
為文剪截浮華延配古人之作居常待人溫溫可即而不失於禮隨  
世應務恢恢有餘而不愛所守議論可否通變無礙常持大體不  
拘小節世祖踐祚更新庶政公久管樞要從容將順常諷諭以

沃其心未常實真以售其名世祖益重之中離國家多故人心危  
疑公与一二大臣同心協力上輔聖躬下濟時艱竭誠盡瘁以登  
至治長百寮典文衡以一身為國家安危者幾二十年軍國重  
事紛委於前左酬右荅割決如流若不措意人始疑其疎濶及  
見其施行皆合機宜蓋朝廷大議衆論蜂起各是己見公援古  
酌今折之以至當人皆推服公每當進講遇有切於君德關於時政  
者則必反覆開陳以期感悟嘗以為興化之源在崇學校勵上  
幸成均館展謁先聖櫺仞問難以為養民之本在勸農桑贊上  
行耕藉之禮親祀先農退与三事秉耒躬耕以累朝未遑之  
典大畧舉而行之掌試十四榜得人最盛多至卿相蓋以深鑑之

明不可欺以私耳。兼判禮曹十數年，以事大交隣，為已任表箋辭命，皆公潤色。彼此之間，情禮兼盡，厚誥薄來，得其歡心。嘗曰：與人交際，似易而實難。唯至誠可以感動中孚之信，可及豚魚。況於人乎？上引見諸方客使，公承命導宣德意，周旋禮復，容儀可觀。客人皆敬畏焉。待朋友以信，人有長必隨才甄拔，常奉歐陽公愚，可使懦可使之言曰：人無賢不肖，願駕馭之如何耳。撫親戚以恩，雖總袒踈屬，視如子弟。吉山疾恙，親加調護。有早孤無依者，則撫育訓誨，使之成立。嗚呼！公久居寵利，而能保其功累，挽權柄而不隕，顧問名動中原，威振殊俗，功蓋一世，而人無間言，蓋其學問操守之力有以極其至，故其發而措諸事業者，卓如此其大也。



世祖嘗曰桓公之於管仲漢祖之於張良唐宗之於魏徵予之於  
叔舟一也其君臣相得殆天授非人力也公娶尹氏生八男一女長澍  
次澍時先公亡次潔次澍次浚次溥次洄次泌女適申命壽側室生  
一男曰潔銘曰惟我大東表海為邦川沅岳峙輾轉洪厓海岳鍾  
秀降為異人異人伊何鳴世之臣聰明豪邁其氣浩然量包宇  
宙學貫人天文謨武略王佐之才酬酢一世游刃恢々遭時遇主展  
鏖猷為剗平內訌扶植鴻基經綸贊化弘濟于時再扶耨穀升于  
太清國步之戲由我以享百篇之度由我以貞出將入相身佩安危  
德洽于民威疊于夷歷事三朝多于懋績誓指山河疇庸錫爵功  
蓋一代位冠群王典文衡六掌秩宗禮樂明備神人和教行俗美

仁義漸磨我朝之治比隆殷周我公之業伊傳與傳德既厚積既  
慶益深天錫祚胤粵惟多男追蹤八龍難弟難兄止有諸孫  
公涸珠明聃芳桂籍磨範雲程朱衣象笏邦家之榮於戲子孫  
既多且賢由公德馨格于上玄公則逝矣惟德有傳昭茲來許曷  
不覆旗赫世載德永孚于先斷石列詞以告與斯過者墮淚  
明德之思

### 墓誌

銀青光祿大夫尚書左僕射  
致仕庾公墓誌銘

李奎報

庾氏源子錦城之茂松在版籍為甲而公其

出也公諱資諒字湛然考諱某贈恭肅公母張氏公為人中和毓粹  
莊重寡言仁信足以感人清儉足以律世此公之受之天也方毅廟時山

東寢盛公年十六與貴門子弟約為交契公欲引虎官御牽龍  
行首吳先陟季光挺等與烏衆莫肯之公挺然議曰雖私遊中文  
武俱備亦得矣何有不可乎後必有悔矣衆咸以為然於是使之恭  
焉未幾庚寅亂文臣幾傷盡以人交契者皆得免以吳季二將  
營救甚力故也此公之自火已有知歲之量也年若干以宰相子直補大  
學署丞俄出為龍岡縣令其為政諳練理臆撫發如神一方稱  
之累歷至尚書右僕射階光祿此公之所歷官序也其或慮察東  
南秉鉞東北則威風所及無不股弁然濟以仁信故民便之此公奉  
使追譽也夫三品正秩入相可冀而公之判司宰也反乞郡痛切以戶部  
尚書出知南京留守此公之辭滿忌盈也公嘗以選軍使聽軍政



其履事上歌柱自立時諱傳以為異事此公之公平無私所感也其州閩東也到洛山禮觀音俄有二青鳥金花衣上又海水一掬許湧灌其頂世傳此地有青島凡謁聖者非其人則不見此公之惇德至信所致然也越崇禎二年癸酉引年乞退甚篤上不  
得已允之銀青光祿左僕射得謝家居與當時卿相之退逸者為  
耆老會時或置酒盡歡既優遊養性十有七年此公之懸車閒  
適樂也已丑月詣耆老會送客宴飲還于第明日方午忽覽八  
戒文夜盥浴尚安然就寢及朝呼家人問時然後憊然而化享年  
八十此公之終也先是有死復生者自言死至一處宮觀甚嚴守者  
曰此庾僕射至處也其說雖荒唐公之行已無愧及其終如此則其

言亦不可不信公之生善處也必矣娶金氏生子三長曰某早卒次曰  
某今為知御臺事季曰某亦先公卒知臺君託余以銘余奉書泣  
且曰嗚呼古之遺直也歟吾不復見仁人君子之若公者矣遂銘曰顯  
允端揆惟邦之紀民方注心遽釋其位不至極公所自避公則自避  
人歎其意黃髮壽考公所不靳公雖不靳天固相之正直感神柱立  
鳥馴於公為常恠者維人嗚呼舊德云亡模範曠依有山岩之水  
灌其趾是公之宮吉祥止之鏡石內寔眉目萬祀

大學士致仕  
琴公墓誌銘

公諱儀字節之系出三韓功臣諱容武之世譜而桂陽之

金紫光祿大夫守太保  
門下平章事修文殿

金浦縣即其桑梓也考諱某母徐氏公少力学工屬文乙未入太學連  
赴舉方未第出理清道郡痛礪節清廉以剛正不撓為政一方號

清道鐵相公秩滿旋補入關實判官明年春塲擢第一遂籍內  
侍上器使之其清華權要之任則歷御史知貢外郎實文閣直學  
中起居舍人知制誥翰林侍講學士東宮侍講學士尚書右丞右  
諫議大夫太子贊善大夫公常帶雙學士至是又兼三夫朝廷崇  
之公之居諫職也有非其人而受參官者公與諸郎執不可當國者  
不悅悉出省即補他官公之例出為知同門事執禮號最難公雖  
始試斯任其進止詳踰舊暉熟有才之無施不可如此者幾又拜左  
諫議大夫尋除樞密院右承宣皆仍諫職公累載管喉舌凡奏  
對應奉甚稱上旨上倚以為重壬申大金使介至欲入自正門我朝  
不許使重右人法復詰難客人猶不肯之是日大雨群臣皆濡服立



待上命公往諭公先問曰天子之巡狩侯甸自古有焉若何國皇  
帝枉蹕小國則當入自何門耶曰天子所出入捨中門何自耶曰然  
則人臣而欲入自君之正門可乎彼大服其言遂入自西門其臨機  
設方畧出人意見表皆類以上大嘉賞之癸酉進拜銀青光祿左散騎  
常侍乙亥入相金紫光祿政堂文學左僕射實多同大學士戊寅  
以下侍郎當於入闕會其數臺之輶動有石如法者憲臺椽往扼  
隊正候衿折辱之於是軍將呼噪狂顧遂擲瓦礫于御史臺宴  
幕有飛石或過宰相幕次公大怒遽下庭特立屬聲大號曰若  
等在君臣上下俱備之國敢有耶苟為亂先殺老僕可也如是者  
再三然後軍情稍沮亂遂不作焉其臨危不懼以此類也公廉察

春州道繩吏甚嚴一切皆革民災百姓賴焉當典司馬試及三  
掌禮闈所得皆當世聞人王公尹之盛近古未有也庚辰以壁上  
三韓大匡守太保門下平章事辭位家居與舊德元老為耆老會  
日相從宴遊以遂揮金之樂庚寅正月稍有微恙然是日使子姓園  
基觀之至夕尚從容談笑及夜寂然而化雖僑侍者亦不之覺也  
是豈偶然者乎享年七十八上聞訃甚悼命有司襄事葬于鳳  
凰山之麓贈謚曰某公之為人美風彩莊重峻整方貌矜宋客  
莊天覺善相人視之曰後必到宰相矣果一如其言性剛果與人面  
折無所諱以是人多憚之或相謗毀然心地坦夷雖當時詬罵  
後皆棄之略不芥滯故卒能保其身可謂豁達大度君子也堅金

氏生男五人曰若先公沒曰揆曰心正剝度為禪師曰暉曰禧并先  
公歿曰祺銘曰孰相皇朝兮大鳴一國將我太偉兮寔人之特矣驟  
臺園兮奮髯正色奸吏屏氣兮顛倒蒲北正門言兮人莫敢則  
我使迹穢兮欲蹈其國公則法論兮一言中的彼雖數心兮豁然  
自釋廟謀密勿兮以手摘畫綠野歸來兮任性閒適霞軒安  
沈兮雲路遐逝舊德云止兮于誰取則鳳凰之山兮有鸞其翼玉  
肥泉甘兮灌木植之於鳥相攸兮是公之宅納銘隧道兮流耀同  
極誠勤朝贊勳節功臣重天匡星山君星山君李公卒逾年余始為之  
贈益文烈公李公墓誌銘李府賢銘銘蓋有由焉曹頤之愛詔徵永陵入覲至則丞相伯顏蓄宿憾  
至使与不臣臣兩造而置辭公慷慨發憤謂余曰吾面訴丞相前



其意可也列戟守門莫呼其閤幸其出田城南吾當上書道左  
辟首馬蹄之下死明吾君吾子其把筆書吾書夜起沐浴鷄鳴  
將行伯顏適以是日敗余感其義語之曰死生不可期然公長我且  
二十歲有大諱不敢愛副文以銘幽堂公天許之永陵復國明年  
冬常步自北宮彈雀于松岡公徑造跪曰殿下寧忘明夷之時  
乎今患少偃威略婦女攘貨財民不樂其生朝夕禍至恐淫者  
之不膏此而不恤顧玩細娛乎永陵始甚怒已而謝遣之既出從  
者為患火所敗以其言已事也公即歸故園不交人間事嗟乎  
征曰諸侯有諍臣五人雖無道不失其國公之去也若有骨鯁  
之士能繼而言之者四五輩岳陽之辱其六庶乎兒夫公沒其孫

仁復服闋如京授行狀且曰大父理命俾微布言而銘於是乎無  
以為辭謹受其狀而次之公姓李氏諱延年字元老京山府龍山里  
人也考諱長庚妣某氏公年十七以鄉貢進士登第兩科調安南  
府書記屢轉至司憲掌令自是階至重大匡官至政堂文學  
進賢大提學賜號誠勤誦贊勤節功臣星山君爵也文烈公謚  
也公為人短小精悍確於志而敢於言所歷多聲績而其大  
節尤可稱者有五夫德未公從忠烈王朝京師忠宣王來同安  
群僚素儻王宋皆懷疑偏走匿公恃無他進退惟謹例遠  
寬歸而居鄉十三年靡常一出言自訟其非罪一也群不逞訟  
忠肅王于朝見留五年公与十六士署一紙劄赴闕以請公竟獨

走四千里獻其書二也初永陵奉詔宿衛春秋富頗以不謹  
聞公思有以誠之因告歸進曰殿下與大臣貴戚比肩事天子宜  
日慎一日乃棄禮從情以速累乎然此非殿下之過殿下長於  
河保之家所共遊多無賴子其後朴仲仁李仁吉實左右之殿下  
孰從而聞正言見正事乎夫儒者雖朴拙皆能習經書識廉  
恥殿下目之為沙箇里此何等語耶殿下徒遠佞倖之徒而親儒  
雅之士改行自飭則可不然天威咫尺其嚴乎永陵不能堪其言  
踰垣走後頗念之也異欲死於伯顏切諫而勇去二者五也嗚呼可  
不謂貴哉公至元己巳生至正癸未卒以其月葬于其鄉之奎岡娶  
鄭氏一子曰康銘曰瞻偉於身質愈於文勤以從政誠以事君既



爵而壽有子與孫謂天不賚來視里門。

正順大夫成均大司成蔡文節提學同知崔君墓誌銘李穀

皇朝進士有名東方者曰鷄林崔壽祖始除蓋州判官地僻職  
兄居五月移病東歸不復于朝雖仕本國才奇志高不容於  
時年五十四至元庚辰六月病卒葬有日其弟監察潛以行狀  
乞墓銘曰吾兄之才不愧于古而吾兄之志不行于世卒至官不達齒  
不高無澤以及物無子以為後其又不克銘諸幽堂以列其行則吾  
負吾兄矣知吾兄莫如子宜為銘穀我不可辭君諱灝字彥明  
遠祖允順仕雜羅考諱伯倫壯元及第名聞于朝授高麗王京儒學  
教授累遷本國議郎妣任氏君幼穎悟九歲能詩既長學日進大  
為先輩所服未及冠再以詞賦試有司試報中之選藝文春秋館

檢閱屢官至成均館丞藝文應教典校典儀檢校大司成君之所  
歷如是君讀書為文辭不資師友講習超然自得於義理之歸  
不惑異端不溺俗習而務合於古人至論月異苟知其正雖老師宿  
儒為時所宗者且詰且折確持不變君之所學如是延祐科興聞  
詔乃曰可試所學既而果中辛酉科狀元宋濂酒稱其才屢形於  
詩自是名益著異己者益不喜而益排之君又不善伺候放蕩  
敢言而喜說人善惡故輒舉擯斥卒不大用然取友必端知命無  
憂不以仕已喜愠惟以詩酒自娛嘗選本國名賢所著題其目  
東人之文凡二十五卷平生不理家人生產自號拙翁後居城南  
獅子山下開園曰取足遂稱祝山農隱卒葬其山之東家甚貧凡

知君者爭致賻乃克葬君先後娶無子銘曰嗚呼崔君不羈  
不群私淑其學好古而文儒不佞俗陽狂敢言雖無其年名有  
可傳雖無其子弟有可倚彼佐我德孰失孰得君自不疑其又  
吳悲猗山之東馬鬣之封千載之下知有拙翁臣清大夫藝文館大  
提學致仕夫公墓誌

錫公諱宣佐字淳叟鈴平郡人三韓功臣莘達之後考諱均妣  
宋氏公生而穎異七歲能屬文戊子擢第一人及第由金海掌書  
記入補秘書郎累轉堂后丁未忠宣王嗣政沙汰百寮拜左正言  
再轉右思補出按淮陽道至子按全羅道有古按轡持斧風事  
聞就陞都諱令癸丑王遜位于忠肅王忠肅聞其名授成均祭酒  
命掌印符在左右仍令進講資治通鑑辛酉瀋王得罪于英



宗誣王以罪欲攘其位惠得之徒皆附焉其黨十餘人悉自都下  
來言藩王已得國人盡狀王之非以達于朝乃連數十紙書其狀  
云鋪于旻天寺門招百官而署之人爭趨之公獨曰吾不知吾君之  
非臣而訴君徇死不為嚙之而去由是臺諫文翰得在署名事定  
中書以其狀歸之王教其不署者而嘆曰非尹某在憲司則其未  
可知也時王被留五年財用匱乏藩王之黨知其狀封府庫以  
沮輸運公檄察官趙琯皆責王者輸運乃行己丑王歸國除  
判典校階通憲俄以民部典書出尹漢陽既而王及公主如龍山  
謂左右曰尹尹清儉故使牧民汝曹慎毋擾閭幸未引年致仕  
己亥王親注守令至鷄林尹擬筆以思曰朝臣盈庭無如尹之即

注之其見信於五類此公再尹大府益廣益勤民之所病必務  
去而可以利民者舉行無遺丙子加會議評理仍令致仕癸未九月  
得微疾呼子女而前曰今人之兄弟多不相睦者由有爭也命子燦  
書文契均分家業且戒之曰和而無爭以訓汝子孫言畢正衣冠  
端坐而逝以某月葬于北原享年七十有九夫人尹氏生于二食棧  
先公歿次燦公平生不理家產性不飲酒余未常見其戲謔歌舞  
慎交遊重然諾獨居常若對賓惟以經史自娛有質疑者輒  
據經以對至于老莊之書刑名之學靡不研窮以學者多歸  
之詞翰清正言以上常魚館職一時表牋多出其手既歿之七  
年右代言尹澤以所撰公行狀來乞墓銘曰嗚呼公雖姑夫恩猶

父也銘人之墓如吾公乃可無愧子銘人多矣余無辭銘之銘而人以  
貧憂公以富羞或謂于君公以直聞孰尸耿將必于德与齒  
尊公貴何言才名出眾斬其見用見用之斬公亦不愠赫者誰  
泯如漸公死猶生視此列銘○輸誠秉義協贊功臣重天國都會議贊成進  
賢館大提學贈謚文溫公閔公墓誌銘李

**建襄**

公諱思平字坦夫號及菴忠州驪興人考諱頓進賢館大提

學謚文順妣金氏上洛君金忻之女自九代祖諱稱道奉御公而下代  
有碩輔其四烈位號名祔蔭相望公生於元貞己未十二月五歲而喪  
妣長于忠順質超然有器度太宰金貞烈公素號知人妻公以女  
貞烈喜賓客一時名勝多從之遊因有所觀感學日進試補奉  
先庫判官轉加別將且不樂虎資讀書益力延祐乙卯春東菴



文宣公主禮闈公中之由是學問優遊十年之久時毅陵公於上國至泰  
定乙丑之位東還慎簡僚僚公拜藝文春秋二修撰賜銀緡金紫  
庚午永陵即位頗不喜儒惟武是効公時以藝文應教出入王府  
與議選授其採守不小有至順壬申毅陵復位大明黜陟公拜  
知制誥教階嘉善出為慶尚道鹽鐵使民便之召以右文館直提學進  
成均祭酒階屢陞至進賢出為金羅按察使惠化敦洽入拜司成  
甲申明陵即位授典理判書乙酉入密直為提學明年封驥興君己丑  
聽陵入朝公送之既踐位以其勞授金議奏理號輪誠秉義協贊  
功臣進贊成事退而閒居者八年至正己亥七月病卒于私第年  
六十五訃聞上嗟悼賜謚曰文順於戲公垂世衣纓事業昌熾未

常賦有矜色性溫雅處親姻雍容敦睦雖有拂戾不以為  
言終必報服善交遊嘗與拙齋崔先生友善尤篤喜其文出力刊行  
其敦信樂善類如此居官處事不為崖異一循義理而已寧以  
詩酒自娛坦蕩君子人也公觀之未必凡今不如昔公既歿矣所  
遇日新則余亦不覺歔歎歎息曰今不如昔余所以信其大人先生  
之言為然也男二人公教養有方皆登科曰齊閔曰齊頤庚申葬于  
大德山感應寺之南麓其銘曰如公之裕如公之粹人所歆兮靡底于  
為靡亂厥後天難湛兮有女之懿有甥之美慰我心兮詩有旨未文  
有焉致俾余長吟兮中而不倚群而不類一以愧兮念言宛爾於乎  
已矣嗟歲月之駸兮

端誠佐理以臣三重大臣興安府院君藝文大  
長學議文忠公趙隱先生李公墓誌銘李楠

先生姓

李氏諱仁復字克禮京山府人也祖諱兆年官至政堂文學謚文烈  
考諱褒醇厚長者位省宰階。諱禮先生。而狀貌魁偉稍長  
知讀書舉止如老成文烈公每撫背曰大吾門者汝伯仲乎仲侍  
中公名仁任也恭定丙寅先生年十九連中監試知貢舉明年調福  
州司錄先生以爲文章非精研博攻無以致其極故當操筆點  
綴極苦至其得意出示人則辭嚴義奧卓冠一世叙事賦  
物注。含微視。或寅授修撰己卯陞春秋供奉辛巳拜左正言知制  
教秋中征東鄉試第二冬移起居舍人壬午會試京師中選授將  
仕郎錦州判官其在都也遷右散納癸未再遷起居注甲申明陵  
即位徵禮儒臣且曰李某擢第天朝今已三年而不超擢豈予



宗文意就於是三遷典理摠郎司僕司司議大夫皆具知制誥  
編修官明年玉曰予之待李某猶未至也以本官授右副代言大明  
年移典理冬進拜密直提學且命先生進講書廷先生貌嚴詞  
氣簡重明凌女謂左右曰吾見李公不覺竦然是歲先君稼  
亭公建言修忠烈忠宣忠肅三王實錄蓋齋李侍中謹齋安  
寶咸亨年秉筆公亦與焉明年進左使事卯亥陵即位壬辰秋趙  
日新張羣不逞用夜半殺皇后兄齊韓入王宮又殺宿衛近臣自  
為政必號令內外朝臣洵懼無一言上密召先生曰事已至此何  
為則可先生曰人臣敢倡亂固有常刑況今天朝堂上法令彰明  
如其猶豫臣恐累及於上上遂決意誅日新事定命先生譔書

以聞上素重公將大用及是益重之癸巳進拜匡請大夫進賢館大  
提學政堂文學乙未封星山君丙申拜金紫大夫資文閣大學士朝  
廷敕使回當進表謝恩上曰今宰相知大體守節義無如李某乃  
以使事命之先生不必辭使還稱旨旨監修國史知貢舉取  
今政堂文學廉興邦等三十三人時稱得士已及改尚書僕射  
兼御史大夫先生嘗謂穠曰余稷以不才擔任臺事者至于再三  
未嘗振舉紀綱自念殞碎不足煩上聽大事又在廟堂不可中  
撓於是乎每一事可言矣然先生入臺石官肅然先生之謙退皆  
此類也辛丑丁外艱其冬沙賊入界國家南徙且避其鋒先生與  
今侍中公迎拜行宮于忠州上喜甚命從行明年二月我軍大集

克復京城大兵之後庶事當有措置上以先生判開城府事冬  
進重大匡三司左使癸卯春拜都金議贊成賜印臣號端誠佐理  
甲辰封興安君冬字刺帖木兒引兵入朝點丞相代其位入奏實  
難其入上又曰非李某不可先生入見丞相辭簡貌重丞相屢目  
之先生退謂送者曰就之不見所畏其斯人乎上薦幙屬于天  
子又以先生長左右司遂進階奉議大夫乙巳封興安府院君甲寅  
先生年六十七矣疽發背先生自度不起具衣服北面稽顙若辭  
違之狀謂侍中公曰宰臣殒官庇葬事國家厚恩也顧吾平日  
未有絲毫補死且有愧公為我辭焉言訖命加元服於身肅然而  
逝上聞之悼甚素膳徹朝遣使致祭謚曰文忠卒之三日葬于城



南栗村之原先生治命也明年配享忠宣王廟先生凡三娶生子二人判事姜居三之女生一男曰而繼室李氏生一男曰谷又娶阿氏與子孫穡既沒先生後常見先生聞人善雖小必喜一事失當必怒而皆形于色然不發之口人皆謂先生曰吃當語穡曰吾性褊急恐失於言以認爲守迄今老矣不覺心動此吾養之未至耳嗚呼先生學問之密操守之篤尚終變化氣質則其行事之審宜其不可及也是爲銘曰星山之英入貢天庭沅光東海有輝爰星有行斯慎有言斯認惟古之才惟今之傷惟時之艱惟使之難公躬雖瘁公必出關誅親拒命忠于王政萬目瞿公不病公歸自西有馬之斯室家相慶我公歸兮惟是我國如骨而肉匪我公

歸余寒誰煖人言我公文章之宗國而忘家專對是二烈

行實升配太室迪后降祥子孫其吉栗村之陽星山之岡魏無

不之祖孫相望嗚呼興安永世不忘

雞林府院君漢文忠李公墓誌銘

至正二十七年

丁未秋七月推誠亮節同德協義贊化功臣壁上三韓三重大臣

雞林府院君領藝文春秋館事益齋先生李公以病卒于第

年八十二太常謚文忠公十月有司具儀衛葬于牛峰縣桃李村

先塋丙辰冬配享玄陵廟庭公諱濟賢字仲思姓李氏新

羅始祖奕居世有佐命大臣曰李謁平其後至諱填檢校政丞謚

文定娶朴仁育之女以至元丁亥十二月生公自初誕然如成人既知為

文已有作者氣大德辛丑公年十五鄭常侍僊試成均峯子負其

張相頴頴聞公所作消編莫敢爭先公果為魁是歲又中禮  
闈兩科權公菊齋以其子妻之公曰此小技耳不足以大畜吾德討  
論墳典淹貫精研折衷以至當文定公大喜曰天其或者益大  
吾門乎戊申選入藝文春秋館卒及屢遷典校寺丞三司判官所  
居稱職至子選為西海道按廉使有古持斧風忠宣王佐仁宗定  
內難迎立武宗故於兩朝親遇無對遂請傳國子忠肅以太尉  
留京師部構萬卷堂考究以自娛因曰京師文學士之皆天下之  
選吾府中未有其人是吾羞也召至都實延祐甲寅也姚牧菴  
閻子靜元復初趙子昂咸遊王門公周旋其間學益進諸公稱  
嘆不置丙辰奉使西蜀所至題詠贈與人己未王降香江南樓



臺風物遇興遣懷每從容曰此間不可無李生也庚申知密直司  
事賜端誠綱贊以臣號知貢舉時稱得士壬戌冬還京師未至  
忠宣王被譖出西蕃明年公往謁極吟道中忠憤藹然乙丑改賜  
以臣號推誠亮節再轉政堂文學忠惠王權國至丙子以王重匡  
封金海君領藝文館事己卯春忠肅薨其秋改元曹顒脅百  
官屯兵永安宮宣言逐去君側惡小而陰為藩王地忠惠王卒精  
騎擊殺之而其黨之在都者甚衆必欲抵王罪人心疑危禍且不  
測公憤不顧曰吾知吾君之子而已從之如京師代舌以筆事得辨  
析切在一等既還群小益煽公屏迹不出著櫟翁稗說至甲  
申忠穆王即位進府院君領孝思觀事書延以公為師丙戌修

忠烈王實錄辛卯玄凌即位拜公右政丞數月國空虛公措

未至國

置得宜人賴以安至及賜同德協義贊化功臣號元從功臣趙日

新忌公居其上公知之上表固辭冬日新聚群不逞夜入宮害

所忌繼兵誅殺公以辭位得免日新伏誅起公為右政丞甲午公

年七十封金海侯丁酉乞以本職致仕送之國制封君致仕須祿有

差故有是請朝論以為本職致仕非所以敬大臣也至宣復封鷄林

府院君公自十五登科官至兩府封君未嘗去職唯忠宣三年不與

島公常奉表請立玄陵故也公天資厚重輔以學問高明心

大故其發於議論措諸事業者燁然可觀也初公讀史筆削

大義必法春秋至則天紀曰郡將周餘公續我唐日月後得朱子

大義必法春秋至則天紀曰郡將周餘公續我唐日月後得朱子

個目自驗其識之正人有后善稱羊惟恐不聞先輩遺事雖細以  
為難及平生未嘗疾言遽色有及於穢語對客置酒商確忘  
賸不倦崔拙翁嘆曰士別三日刮目相待吾於益齋見之矣公  
務遵舊法不喜更張嘗曰吾志豈不如古人但吾才不及古人耳公之  
孫連姻齊氏公忌其盛滿及其拜平章去陵勅兩制賦詩以賀且  
命公敘其事公辭不為自號益齋卒晚之敗去陵曰益齋先見之  
明不可及也少儕輩不敢斥名必稱益齋及為宰相人無貴賤皆稱  
益齋其見重於此如此公所著文集若干卷行于世公凡三娶權  
氏生二男長曰瑞種次曰達尊朴氏生一男曰彰路徐氏生二女銘吳  
地儲精公乃挺生奎壁耀正公廼發揚名溢域中身居海東道德



之首文章之宗比斗泰山之韓光風霽月春陵茂叔四秉國  
鈞年踰八旬麟鳳其瑞著龜其神功在社稷澤流生民閭宮升  
配袞榮與對惟角子孫忠孝是遵如謂無知公在九原松堂先生  
金公墓誌

銘  
余年齒赴成均試在庭中望見先生具袍笏端坐儼然如泰

山喬嶽群士屏氣不敢譁既為門生往來聽教溫言柔色推明國典

獎誘人材疊々不已慨然有凡俗日頽之嘆居家不理生產左右琴

書澹如也栽松東園植蓮南池每歲庭中牡丹花開具酒食召門生

上大夫壽兄弟子姓怡愉孝悌之至通于神明大夫享九十二歲

之壽嗚呼盛矣丙申大夫以病卒葬于皇考文正公之墓次居其傍

終制先生素心病艱於行步然朝夕奠洒掃必親無水輟蓋近世

宰相所未有也先生姓金氏諱光載字子輿號松堂先生光州司  
空金吉之後考諱台鉉號快軒文公以四世元老為國著龜政丞  
致仕當集國初以來文章目曰海東文奎行于世母高氏夢見明星  
入懷中而生娶太祖子存隱之後侍郎諱丁朝之女生先生公以至元  
甲午三月生既生而身長二尺餘父母異之絕愛之既冠中皇慶癸丑  
科在王一鵬先生權政丞愛其知禮厚待之補成均學官至順  
庚午從忠惠王京師以勞授司僕寺丞至元己卯忠惠王數為曹  
頤所廢而幸勝之然其黨多附勢必將甘心焉及王如京師公曰  
吾君危矣吾忍獨免乎哉性從之賴天子聖明復爵東還累轉成  
均祭酒三司左尹皆兼知制教明年秋掌試成均時補得士忠惠

王素憚公殿左右又多忌之顧無所藉口乃曰金公愛靜仕進  
非其志也上稍信之乃遷其職群小益張癸未冬岳陽之禍  
起矣甲申忠穆王立起公為右副代言遷至密直副使陞知  
已丑忠宣王立開書筵以公為師公固辭入匡請大夫藝文大提  
學兼提調銓選入告王曰文選吏曹掌之武選兵曹掌之摠  
于政房自權臣始非令典也仍舊便從之然必命公兼典理判書  
辛卯玄陵嗣位公杜門不出奉養大夫人朝夕盡禮及其琴祥侍  
中洪陽坡先生與一時名卿往往告之公曰吾年六十三始居于  
晨常懼一朝身先朝露以為宗族羞獲至今日考妣之德也  
言畢泣下諸公時泣下嘆服以舊病不出門玄陵聞其風使論



公思與公語久矣不識可使寡人得見乎公惶恐子姪扶入  
上曰年頗非甚衰也而有斯疾何耶嘆惜者久之命有司旌表  
所居曰靈昌坊孝子里復其里若干戶以奉事焉辛丑避紅賊軍  
高昌縣因留居之癸卯春感微恙謂夫人曰吾今年七十死復何  
恨男子不絕於夫人之手禮也可與衆婢退矣且戒妻或高聲疾  
語以擾我也俄而絕平日所養可知已葬于德水先塋公娶金公  
承澤之女生子女二人男曰興祖倜儻有志官至中顯軍器監歷使水原海  
州政績頗著死於驚城之手人至今憐之外曾孫姓朴護軍名林敢徵銘  
於韓山李穡嗚呼先生之德行政事表如此宜其子孫之多也而  
軍器監無後是天之未定也是天之好惡與人殊也銘曰惟東有岡

有松蒼々君子之宅池水之盈蓮香之清君子之德出以事君有  
政有文正我王國入以事親愈老愈真化我民俗先生之風被于  
海東永世攸則我作斯銘匪私先生史筆之直

